

目次

七二一 正法念處經(七十卷)……………元魏 瞿曇般若流支譯……………一

(一) 十善業道品(一一)……………一

(二) 生死品(三一五)……………一一

(三) 地獄品(五一五)……………二六

(四) 餓鬼品(六一一七)……………八八

(五) 畜生品(一八一)……………一〇〇

(六) 觀天品(二一六三)……………一二二

1 四天王(二二二四)……………一二二

2 三十三天(二五二三五)……………一三九

3 夜摩天(三六一六三)……………二〇四

(七) 身念處品(六四一七〇)……………三六六

佛說父母恩難報經……………四〇五

佛說孝子經……………四〇六

注音注解部首筆畫索引……………四〇七

經文注解筆畫索引……………四一一

此經較完整闡述生死輪迴之業報。上自天界下至阿鼻。詳述複雜之因果。欲明此智者。請細審不解處。請勿起煩惱。如寶積經言。惟佛所知。非我所解。若努力依法行持。必可漸解。如是一切以智為前導。得脫無知來無知去。一切無所知。而永為貪瞋癡所惱之輪迴。

初閱起世經地獄品時。極震懾。想業報怎會如此粗重。再看正法念處地獄品時。震驚之至。實難承受。然憶化緣時。在市場看到青蛙等。頭被剝皮。被剝內臟。掏空卻還在抖動。令人觸目心驚。眾生被殺。很久理應死透。然因業持靈識無法脫出。而受重苦。與地獄眾生受苦不死。同理人為圖己利。甚且至親殘酷殺戮。遑論人非人及畜生界等。為爭地盤戰爭。甚至滅絕對方。靜心細審。因果絲毫不爽。如地藏經言。父子至親。不能代受業。熟時至哀惱無量。又當如何。知地獄業極苦不堪受。應生大警惕。因果不因不知。業報不受。有智者不因此起無明煩惱。心懼欲避。而毀謗。應深思。吾等業心自在。造業時不知業報可怕。待知時。已作無量。雖怕。以無智故。無可奈何。時漸久麻木不仁。業力所牽。不能自己。

又無智故。不知何事可作。不可作。人云亦云。隨業受報。若墮惡道。乃因宿世人身時。造重惡業。而蓋智慧。故痴無所知。又受苦粗重。無餘心力。能有悔心。得改前非。人中善道。要起深重悔心。尤極難得。況三惡道。如是實極可悲。若能詳閱此經。深知業果可怖。地獄重苦不可堪忍。既已惡業無量。而能起大懺悔心。並發勇猛心。堅住改過。再如涅槃10卷言。若犯四重及五逆罪。以護法力故。得為世間無上福田。如是重業皆可消除。況一般惡業。若能如是。如法解業。實末法世時。業苦眾生之大福報。此經從心惡造業。至受報。詳明業果。尤其64卷後。詳述風蟲與色身之共業。昔宿善得人身。如是以身還債。佛智一切盡知。若耐心多次閱之。用心細思。受益不可思議。若能受持。並佈施與有心修行者。功德無量。布施時。應心存感恩。可備福德資糧。輪迴路遙。資糧不夠。艱辛難行。修行者若深入經藏。深知因果業報。微細粗重。願受布施。須有相當善緣。及大慈悲心。非每個人都願意接受供養。若無人願受供養。何處種福田。是以供養時。勿起慢成不淨施。本經189頁言。供養之利。利養瘡。深割皮壞肉。壞肉斷筋。斷筋破骨。破骨傷髓。利養因緣。能壞善法。亦復如是。供養時。隨所得物。而得業故。以世間乃業所幻故。三界內眾生與器世界。無非是業。寶積85卷言。一切眾生及諸資具。皆是幻化。謂由於業之所幻故。諸比丘。亦是幻化。謂由於法之所幻故。我身亦幻。智所幻故。三千大千一切世界。亦皆是幻。一切眾生共所幻故。佛制戒出家眾。須化緣。以修行者接受供養。得予眾生種福田。若眾生尚無善緣。修行由此得來。世之世間福報。及出世增上緣。而行者因修行功德。予施者佛法之善緣。故得與施者解宿惡緣。並得資生方便修行。如是兩利。既幻化故。於財應善捨。莫因慳貪墮餓鬼道。能廣佈施。亦得來世無量福報。

涅槃14卷：如有人身被毒箭，其人眷屬欲令安隱，為除毒故，即命良醫而為拔箭。彼人方言：且待其觸，我今當觀。如是毒箭從何方來，誰之所射：鏃鐵者何冶所出：是人毒為蛇毒耶？如是癡人竟未能知，尋便命終：若行施時分別受者，持戒破戒，乃至果報，終不能施。佛知眾生分別心重，慈心叮嚀，莫犯此錯。如是分別行菩提道時，皆是障礙。應善解寶積16卷86下：於惡色愚癡，破戒可厭惡，不可恭敬者，如是等人所不應生輕慢。眾生之所行甚難，可得知：如阿羅漢，不知自境界，況復當能知眾生之境界。羅漢尚不知自境界，況我等有何智辨人，是非

涅槃22卷：外道持戒上至諸佛，是名福田。若有念言：如是等輩，是真福田。當知是心則為狹劣。菩薩摩訶薩悉觀一切無量眾生，無非福田。如是觀，不起分別心，於善不生喜，於惡不生憎，不為起心動念而生，退心煩惱心、憎恨心等無量不善心，而自苦惱。若一時尚無法如是觀，則於不善相亦不應起於排斥，應作是念：如是人或無福報，我與之結善緣，可免來世。我亦因不佈施而無福，如彼或彼諂誑而不可避，應善解。此乃我之提婆達多，予我逆上緣。大方便佛報恩經卷四：如來即遣阿難往到地獄，問訊提婆達多，苦可忍不？爾時阿難：問牛頭阿傍言：為我喚提婆達多，牛頭阿傍言：汝問何佛提婆達多？過去諸佛皆有提婆達多。12冊大方等無想經卷四：如來世尊常所稱讚黃頭大士，即是提婆達多比丘。六群比丘亦大菩薩。如是大菩薩為助佛制戒，而現惡相。寶積113卷：若有施主淨心信故，以施種子種福田中，如此施主起無量施想，以是故行者受佈施時，更應精進，其因不堪而退道心，得不善報。11冊如來不思議秘密大乘經七卷679下：眾生於佛法中所應化度，宿種善根業障盡者，雖復在在所生，不得飲食，饑渴羸劣，以其宿善力故，

彼等眾生得佛如來殘食而食，食已飽滿，心得輕安，身肢潤益，深心清淨，即發：菩提心。眾生種福於佛所，聖眾即以之利益，有善緣而惡業盡者，如是種福於佛所，利他而後自利。9冊華嚴51卷：地神告善財：欲自見，曾於此處所種善根果報不乎？地神即以足指按地，無量阿僧祇那由他寶藏開發顯現：昔所種善根果報，致此寶藏在隨汝。善惡如影隨形，如是作如是受。經中言及女人業重，事實亦然。

涅槃9卷：若人不知是佛性者，則無男相；不能知佛性者，我說是等名為女人：若有女人能知自身定有佛性，當知是等即為男子。

16卷：一切男女若具四法，則名丈夫。何等為四？一善知識，二能聽法，三思惟義，四如說修行。善男子，若男若女具是四法，則名丈夫。非以身相而得業報，心相如何方是業之所繫，故言三界為心。

17冊六趣輪迴經：若人於欲境繫心而樂著，後生於世間，定受女身報。若人厭女身，捨欲持淨戒，發生堅固心，轉身作男子，故女多欲而多惱。藏經由此部起，以此經淺顯易懂，詳述六道業報，適合末法時代之初學者，可廣為利益。印藏經順序由淺入深，方便引導初學者閱讀。第二部11卷大寶積經，蓋大寶積經分49會，廣開佛慧，深淺兼容。再者涅槃部現出法華，次10卷華嚴經中許多名詞未能註解，或篇幅不夠，或一時查不到，尤以加註時法障重，極不順利，非言詞能形容於萬一。而時問極有限，尚十多部須作，惟望此世得滿此願，故無法多作，懇請見諒。經言天界樂境界無量，受五欲樂時，當下增欲百倍等，如是業果極巨，身處其中不受欲縛難矣。然福報後隨業受報，或墮三塗，人間辛苦持戒，應不只是要受樂後受三惡道苦，若貪欲而升天，實非善緣。法寶請珍惜善用，若不相應，可與他人結緣。

佛垂般涅槃略說教誡經 大藏經第12卷¹¹²頁
汝等比丘。勿懷憂惱。若我住世。一劫會亦
當滅。會而不離。終不可得。自利利人法皆
具足。若我久住。更無所益。應可度者。若天
上人間。皆悉已度。其未度者。皆亦已作得
度因緣。自今已後。我諸弟子。展轉行之。則
是如來法身常在而不滅也。是故當知。世
皆無常。會必有離。勿懷憂也。世相如是。當
勤精進。早求解脫。以智慧明滅諸癡闇。世
實危脆。無牢強者。我今得滅。如除惡病。此
是應捨罪惡之物。假名為身。沒在生老病
死大海。何有智者。得除滅之。如殺怨賊。而
不歡喜。汝等比丘。常當一心。勤求出道。一
切世間動不動法。皆是敗壞不安之相。汝
等且止。勿得復語。時將欲過。我欲滅度。是
我最後之所教誨。

長阿含經卷第20

大藏經第1卷¹³⁵頁

佛告比丘。一切人民所居舍宅。皆有鬼神
無有空者。一切街巷四衢道中。屠兒市肆
及丘塚間。皆有鬼神。無有空者。凡諸鬼神
皆隨所依。即以為名。依人名人。依村名
村。佛告比丘。一切樹木。極小如車軸者。
皆有鬼神。依止無有空者。一切男子。女人
初始生時。皆有鬼神。隨逐擁護。若其死時。
彼守護鬼。攝其精氣。其人則死。

地藏經卷下利益存亡品第七 大藏經第13卷⁷⁸³頁

爾時地藏菩薩摩訶薩。白佛言。世尊。我觀
是閻浮眾生。舉心動念。無非是罪。脫獲善
利多退初心。若遇惡緣。念念增益。是等輩

人如履泥塗。負於重石。漸困漸重。足步深
邃。若得遇知識。替與減負。或全與負。是知
識有大力。故復相扶助。勸令牢腳。若達平
地。須省惡路。無再經歷。世尊。習惡眾生。從
纖毫間。便至無量。是諸眾生。有如此習。臨
命終時。父母眷屬。宜為設福。以資前路。

菩薩從兜術天 降神母胎說廣 大藏經第12卷¹⁰²⁴頁

佛即問彌勒。心有所念。幾念。幾想。幾識。耶。
彌勒言。拍手彈指之頃。三十二億百千念。
念念成形。形皆有識。識念極微細。不可
執持。佛之威神。入彼微識。皆令得度。此識
教化。非無識也。復次微識。極微細。過於微
塵。此微塵。識不可覩見。如來威神。入彼教
化。皆令得度。彌勒當知。未有狐疑。此微塵
識。亦受四氣。亦有四生。

大乘大集地藏十輪經 大藏經第13卷⁷³⁶頁

若諸有情。於我法中出家。乃至剃除鬚髮。
被片袈裟。若持戒。若破戒。下至無戒。一切
天人。阿素洛等。依俗正法。猶尚不合。以鞭
杖等。捶拷其身。或閉牢獄。或復呵罵。或解
肢節。或斷其命。況依非法。何以故。除其一
切。持戒多聞。於我法中。而出家者。若有破
戒。行諸惡法。內懷腐敗。如穢蝸螺。實非沙
門。自稱沙門。實非梵行。自稱梵行。恒為種
種煩惱。所勝敗壞。傾覆。如是破戒。諸惡。苾
芻。猶能示導。一切天。龍。藥叉。健達縛。阿素
洛。揭路茶。緊捺洛。莫呼洛伽。人非人等。無
量功德。珍寶伏藏。又善男子。於我法中。而
出家者。雖破戒行。而諸有情。覩其形相。應

生十種殊勝思惟。當獲無量功德寶聚。何
等為十。謂我法中。而出家者。雖破戒行。而
諸有情。或有見已。生於念。佛愍重信。敬殊
勝思惟。由是因緣。終不歸信。諸外道師。書
論徒眾。乃至能入。離諸怖畏。大涅槃城。或
有見已。生念。聖戒殊勝思惟。由是因緣。能
離殺生。離不與取。離欲邪行。離虛誑語。離
飲諸酒。生放逸處。乃至能入。離諸怖畏。大
涅槃城。或有見已。生念。布施殊勝思惟。
或有見已。生念。出家精勤修行。殊勝思惟。
由是因緣。能捨家法。趣於非家。勇猛精進。
修諸勝行。乃至能入。離諸怖畏。大涅槃
城。善男子。於我法中。而出家者。雖破戒
行。而諸有情。覩其形相。生此十種殊勝思
惟。當獲無量功德寶聚。是故一切。剃帝利
王大臣宰相。決定不合。以鞭杖等。捶拷其
身。或閉牢獄。或復呵罵。或解支節。或斷其
命。復次大梵。若有依我。而出家者。犯戒惡
行。內懷腐敗。如穢蝸螺。實非沙門。自稱沙
門。實非梵行。自稱梵行。恒為種種煩惱。所
勝敗壞。傾覆。如是苾芻。雖破戒行。諸惡
行。而為一切天。龍。藥叉。健達縛。阿素洛。揭
路茶。緊捺洛。莫呼洛伽。人非人等。作善知
識。示導無量功德伏藏。如是苾芻。雖非法
器。而剃鬚髮。被服袈裟。進止威儀。同諸賢
聖。因見彼故。無量有情。種種善根。皆得生
長。又能開示。無量有情。善趣。生天涅槃。正
路。是故依我。而出家者。若持戒。若破戒。下
至無戒。我尚不許。轉輪聖王。及餘國王。諸

註以下歸屬天龍八部：藥叉又名夜叉。北方毘沙門天之統領。健達婆又名乾闥婆。帝釋之樂神。阿素洛又名阿修羅。意為非天。有天福而無天德。揭路茶又名迦樓羅。即金翅鳥。緊捺洛又名緊那羅。亦樂神。莫呼洛伽又名摩睺羅伽。大蟒神。非人一般作鬼神之泛稱。

大臣等依俗正法，以鞭杖等捶拷其身，或閉牢獄或復呵罵，或解支節或斷其命，況依非法大梵，如是破戒惡行苾芻，雖於我法毘奈耶中名為死尸，而有出家戒德餘勢，譬如牛麝，身命終後，雖是無識傍生死尸，而牛有黃而麝有香，能為無量無邊有情作大饒益，破戒苾芻亦復如是，雖於我法毘奈耶中名為死尸，而有出家戒德餘勢，能為無量無邊有情作大饒益：如是破戒惡行苾芻，一切白衣皆應守護恭敬供養，我終不許諸在家者，以鞭杖等捶拷其身，或閉牢獄或復呵罵，或解支節或斷其命，我唯許彼清淨僧眾，於布薩時或自恣時驅擯令出，一切給施四方僧物，飲食資具不聽受用，一切沙門毘奈耶事，皆令驅出不得在眾，而我不許加其鞭杖繫縛斷命，爾時世尊而說頌曰：

瞻博迦華雖萎悴 而尚勝彼諸餘華
破戒惡行諸苾芻 猶勝一切外道眾

：我尚不許諸苾芻僧不依於法率爾呵舉破戒苾芻，何況驅擯若不依法率爾呵舉破戒苾芻或復驅擯便獲大罪，優波離汝今當知有十非法，率爾呵舉破戒苾芻便獲大罪，諸有智者皆不應受，何等為十，一者不和僧眾，於國王前率爾呵舉破戒苾芻，二者不和僧眾，梵志眾前率爾呵舉破戒苾芻，三者不和僧眾，梵志眾前率爾呵舉破戒苾芻，九者宿怨嫌前率爾呵舉破戒苾芻，十者內懷忿恨率爾呵舉破戒苾芻，如是十種名為非法，率爾呵舉破戒苾芻

芻便獲大罪，設依實事而呵舉者尚不應受，況於非實，諸有受者亦得大罪，復有十種非法，呵舉破戒苾芻便獲大罪，諸有智者亦不應受，何等為十，一者諸餘外道呵舉苾芻，二者不持禁戒在家白衣呵舉苾芻，三者造無間罪呵舉苾芻，四者誹謗正法呵舉苾芻，五者毀賢聖呵舉苾芻，六者癡狂心亂呵舉苾芻，七者痛惱所纏呵舉苾芻，八者四方僧淨人呵舉苾芻，九者守園林人呵舉苾芻，十者被罰苾芻呵舉苾芻，如是十種非法，呵舉破戒苾芻便獲大罪，設依實事而呵舉者亦不應受，況於非實，諸有受者亦得大罪：

賢愚經卷第3-4-12 大藏經第4卷 372-378-437頁

有智^{註1}慧巧使人，以小緣故，能發大心趣向佛道，懈怠懶惰人，雖有大緣，猶不發意趣向佛道，是故行者，應強心立志勇猛善緣：378(正藏)眾生命終，隨所愛念死即生中，或有難言，隨所愛著^{註2}便往生者，誰愛地獄而入地獄者，眾人答曰：若有眾生盜三尊財及父母物，乃至殺人，如是大罪應墮熾火地獄，是人為風寒冷病所逼，便思念火欲得入中，念已命終便墮是獄，若人盜佛燈明及直，或盜僧祇燈燭薪草，若破壞撥撤僧祇^{註3}房舍講堂，若冬寒時剝脫人衣，若以力勢，以冰^{註4}寒時水灌奴婢及以餘人，若抄掠時剝人衣裳，如是罪報應墮寒冰地獄，是人為熱病所逼，常思寒冷之處，念想之時便墮此獄：寒地獄中受罪之人，身

肉冰燥如焦豆散，腦髓白爆，頭骨碎破百千萬分，身骨劈裂如剖箭鏃，若人慳貪，斷餓眾，生隨時飲食，應墮餓鬼，得逆氣病不能下食，瞻病知識，以種種食強勸之，言是甜是酢，此美易消，汝可強食，便起恚心，使我何時眼不見食，爾時命終生餓鬼中，若人愚癡不信三寶，誹謗毀道，應墮畜生，為病所困，唯得伏臥不得偃側，不喜善言，左右定知此人必死，便逼勸言，汝當聽法受齋受戒，汝當見佛像見比丘僧，汝當布施，其人心意都不喜樂，為強敦曉喻，便增惡念，願我得一不聞三寶善名處者，快不可言，爾時命終生畜生中，若有修善種人，天因此人不為大病所困，臨命終時心不錯亂，所親左右知其將死，各勸之，言樂聞法不欲見像，不欲見比丘聽經，偈不汝喜欲得受齋戒，不欲得財物，施佛像不，悉答言好，復與說言，施佛形像得成佛道，供養法者，在所生處得深智慧，達解法相，若施眾僧，所生之處得大珍寶，隨意無乏，病人聞已歡喜，願言，使我所生常遇三寶，聞法開悟，爾時命終得生人中，若人廣種生天善因，清淨施戒樂聽經法，修持十善，其人將終安隱仰臥，見佛形像，天宮嫫女及聞天樂，顏色和悅，舉手上向，爾時命終即生天中，此薩薄婦自愛著身，命終還生，故身作蟲，捨此蟲身墮大地獄，受苦無量：437佛告阿難，一切諸佛及眾賢聖，天人品類，受福多少，皆由於法種其善因，致使其後各獲妙果：

註1智-知 註2冰-水

阿難一切眾生從無始來種種顛倒業種自然如惡叉聚諸修行人不能得成無上菩提乃至別成聲聞緣覺及成外道諸天魔王及魔眷屬皆由不知二種根本錯亂修習猶如煮沙欲成嘉饌縱經塵劫終不能得云何二種阿難一者無始生死根本則汝今者與諸眾用攀緣心為自性者二者無始菩提涅槃元清淨體則汝今者識精元明能生諸緣緣所遺者由諸眾生遺此本明雖終日行而不自覺枉入諸趣：如來常說諸法所生唯心所現一切因果世界微塵因心成體阿難若諸世界一切所有其中乃至草葉縷結詰其根元咸有體性縱令虛空亦有名貌何況清淨妙淨明心性一切心而自無體若汝執惛分別覺觀所了知性必為心者此心即應離諸一切色香味觸諸塵事業別有全性如汝今者承聽我法此則因聲而有分別縱滅一切見聞覺知內守幽閑猶為法塵分別影事我非勅汝執為非心但汝於心微細揣摩若離前塵有分別性即真汝心若分別性離塵無體斯則前塵分別影事塵非常住若變滅時此心則同龜毛兔角則汝法身同於斷滅其誰修證無生法忍：佛告阿難世間一切諸修學人現前雖成九次第定不得漏盡成阿羅漢皆由執此生死妄想誤為真實是故汝今雖得多聞不成聖果阿難聞已重復悲淚五體

投地長跪合掌而白佛言自我從佛發心出家恃佛威神常自思惟無勞我修將謂如來惠我三昧不知身心本不相代失我本心雖身出家心不入道譬如窮子捨父逃逝今日乃知雖有多聞若不修行與不聞等如人說食終不能飽：

楞嚴經卷第4 大藏經第19卷120頁甘第170頁

富樓那想愛同結愛不能離則諸世間父母子孫相生不斷是等則以欲貪為本貪愛同滋貪不能止則諸世間卵化濕胎隨力強弱遞相吞食是等則以殺貪為本人食羊羊死為人人死為羊如是乃至十生之類死死生生互來相噉惡業俱生窮未來際是等則以盜貪為本汝負我命我還汝債以是因緣經百千劫常在生死汝愛我心我憐汝色以是因緣經百千劫常在纏縛唯殺盜淫三為根本：122汝等決定發菩提心於佛如來妙三摩提不生疲倦應當先明發覺初心二決定義云何初心二義決定阿難第一義者汝等若欲捐捨聲聞修菩薩乘入佛知見應當審觀因地發心與果地覺為同為異阿難若於因地以生滅心為本修因而求佛乘不生不滅無有是處：第二義者汝等必欲發菩提心於菩薩乘生大勇猛決定棄捐諸有為相應當審詳煩惱根本此無始來發業潤生誰作誰受阿難汝修菩提若不審觀煩惱根本則不能知虛妄根塵何處顛倒處尚不知云何降伏取如來位阿難汝觀世

間解結之人不見所結云何知解不聞虛空被汝墮裂何以故空無相形無結解故則汝現前眼耳鼻舌及與身心六為賊媒自劫家寶由此無始眾生世界生纏縛故於器世間不能超越：

楞嚴經卷第5 大藏經第19卷124頁甘第220頁

阿難及諸大眾俱聞十方微塵如來異口同音告阿難言善哉阿難汝欲識知俱生無明使汝輪轉生死結根唯汝六根更無他物汝復欲知無上菩提令汝速登安樂解脫寂靜妙常亦汝六根更非他物阿難雖聞如是法音心猶未明稽首白佛云何令我生死輪迴安樂妙常同是六根更非他物佛告阿難根塵同源縛脫無二識性虛妄猶如空花阿難由塵發知因根有相相見無性同於交蘆是故汝今知見立知即無明本知見無見斯即涅槃無漏真淨云何是中更容他物：

楞嚴經卷第6 大藏經第19卷129頁甘第276頁

此三千大千世界百億日月現住世間諸法王子有六十二恒河沙數修法垂範教化眾生隨順眾生方便智慧各各不同：131頁阿難汝常聞我毘奈耶中宣說修行三決定義所謂攝心為戒因戒生定因定發慧是則名為三無漏學阿難云何攝心我名為戒若諸世界六道眾生其心不婬則不隨其生死相續汝修三昧本出塵勞婬心不除塵不可出縱有多智禪定現前如不斷婬必落魔道上品魔王中品魔民下品

註1勅-勅 註2兔-兔的簡體字 註3交蘆.此蘆生必二莖.交而並立.單不能立.根相盤.外實中虛(圓瑛法彙)

魔女、彼等諸魔亦有徒眾，各自謂成無上道。我滅度後末法之中，多此魔民熾盛世間。廣行貪婬為善知識，令諸眾生落愛見坑。失菩提路，汝教世人修三摩地，先斷心婬。是名如來先佛世尊第一決定清淨明誨。是故阿難，若不斷婬修禪定者，如蒸沙石欲其成飯，經百千劫，祇名熱沙。何以故此非飯本？石沙成故，汝以婬身求佛妙果，縱得妙悟，皆是婬根，根本成婬，輪轉三途，必不能出。如來涅槃，何路修證，必使婬機身心俱斷，斷性亦無。於佛菩提斯可希冀。如我此說，名為佛說，不如此說，即波旬說。阿難，又諸世界六道眾生，其心不殺，則不隨其生死相續。汝修三昧，本出塵勞，殺心不除，塵不可出。縱有多智禪定現前，如不斷殺，必落神道。上品之人為大力鬼，中品即為飛行夜叉諸鬼帥等，下品當為地行羅刹。彼諸鬼神亦有徒眾，各自謂成無上道。我滅度後末法之中，多此神鬼熾盛世間。自言食肉得菩提路。汝等當知，是食肉人縱得心開似三摩地，皆大羅刹。報終必沈生死苦海，非佛弟子。如是之人，相殺相吞，相食未已。云何是人得出三界？汝教世人修三摩地，次斷殺生，是名如來先佛世尊第二決定清淨明誨。是故阿難，若不斷殺修禪定者，譬如有人自塞其耳，高聲大叫，求人不聞。此等名為欲隱彌露，清淨比丘及諸菩薩，於岐路行，不踏生草，況以手拔。云何大悲取諸眾生血肉充食。

若諸比丘不服東方絲綿絹帛，及是此土靴履裘毳、乳酪醍醐，如是比丘於世真脫，酬還宿債，不遊三界。何以故？服其身分，皆為彼緣。如人食其地中百穀，足不離地，必使身心於諸眾生。若身身分，身心二途，不服不食，我說是人真解脫者。阿難，如是世界六道眾生，雖則身心無殺盜婬，三行已圓，若大妄語，即三摩提不得清淨。成愛見魔，失如來種。所謂未得謂得，未證言證，或求世間尊勝第一，謂前人所言。我今已得，須陀洹果，斯陀含果，阿那含果，阿羅漢道，辟支佛乘，十地地前諸位菩薩，求彼禮懺，貪其供養，是一顛迦註銷滅佛種。如人以刀斷多羅木，佛記是人永殞善根，無復知見。沈三苦海，不成三昧。我滅度後，敕諸菩薩及阿羅漢，應身生彼末法之中，作種種形，度諸輪轉，或作沙門白衣居士、人王宰官、童男童女，如是乃至婬女、寡婦、姦偷、屠販，與其同事，稱歎佛乘，令其身心入三摩地，終不自言我真菩薩，真阿羅漢。泄秘密因，輕言未學，唯除命終，陰有遺付。云何是人惑亂眾生，成大妄語。汝教世人修三摩地，後復斷除諸大妄語，是名如來先佛世尊第四決定清淨明誨。是故阿難，若不斷其大妄語者，如刻人糞為梅檀形，欲求香氣，無有是處。我教比丘直心道場，於四威儀一切行中，尚無虛假。云何自稱得上人法，譬如窮人妄號帝王，自取誅滅。況復法王如何妄竊。因地不直，果招紆曲。求佛菩提。

如噬臍人，欲誰成就。若諸比丘心如直絃，一切真實，入三摩提，永無魔事。我印是人成就菩薩，無上知覺。如我是說，名為佛說，不如此說，即波旬說。

楞嚴經卷第7 大藏經第19卷下 136頁甘第345頁
阿難，是佛頂光聚悉怛多般怛羅秘密伽陀微妙章句，出生十方一切諸佛。十方如來因此咒心，得成無上正遍知覺。十方如來執此咒心，降伏諸魔，制諸外道。能於十方摩頂授記，自果未成，亦於十方蒙佛授記。十方如來依此咒心，能於十方拔濟群苦。所謂地獄餓鬼畜生盲聾瘖瘂怨憎會苦、愛別離苦、求不得苦、五陰熾盛、大小諸橫同時解脫。令諸小乘聞秘密藏，不生驚怖。十方如來誦此咒心，成無上覺。坐菩提樹，入大涅槃。十方如來傳此咒心，於滅度後，付佛法事究竟住持。嚴淨戒律，悉得清淨。若我說是佛頂光聚般怛羅咒，從旦至暮，音聲相連，字句中，間亦不重疊。經恒沙劫，終不能盡。亦說此咒名如來頂。汝等有學，未盡輪迴，發心至誠，趣向阿耨多羅三藐三菩提，不持此咒，而坐道場，令其身心遠諸魔事，無有是處。138阿難，汝今欲修真三摩地，直詣如來大涅槃者，先當識此眾生世界二顛倒因。顛倒不生，斯則如來真三摩地。阿難，云何名為眾生顛倒？阿難，由性明心，性明圓故，因明發性，性妄見生。從畢竟無成，究竟有。此有所有，非因所因。住所住相了無根本。本此無住，建立世

界及諸眾生迷本圓明是生虛妄。妄性無體非有所依。將欲復真。欲真已非真。真如性非真。求復宛成非相。非生非住非心非法。展轉發生。生力發明。熏以成業。同業相感。因有感業相滅相生。由是故有眾生顛倒。阿難云。何名為世界顛倒。是有所有分段妄生。因此界立。非因所因。無住所住。遷流不住。因此世成。三世四方。和合相涉。變化眾生。成十二類。是故世界因動有聲。因聲有色。因色有香。因香有觸。因觸有味。因味知法。六亂妄想。成業性故。十二區分。由此輪轉。是故世間聲香味觸。窮十二變。為一旋復。乘此輪轉。顛倒相故。是有世界卵生。胎生。濕生。化生。有色。無色。有想。無想。若非有色。若非無色。若非有想。若非無想。阿難。由因世界虛妄。輪迴動顛倒故。和合氣成八萬四千飛沈亂想。如是故有卵羯邏藍^{註1}。流轉國土。魚鳥龜蛇。其類充塞。由因世界雜染。輪迴欲顛倒故。和合滋成八萬四千橫豎亂想。如是故有胎遏蒲曇^{註2}。流轉國土。人畜龍仙。其類充塞。由因世界怨害輪迴。殺顛倒故。和合怪成八萬四千食父母想。如是故有非無想相。無想羯南。流轉國土。如土梟等。附塊為兒。及破鏡鳥。以毒樹果。抱為其子。子成父母。皆遭其食。其類充塞。是名眾生十二種類……

楞嚴經卷第8 大藏經第19卷 143頁 甘第392頁

阿難。一切眾生。實本真淨。因彼妄見。有妄習生。因此分開。內分。外分。阿難。內分。即是

眾生分內。因諸愛染。發起妄情。情積不休。能生愛水。是故眾生。心憶珍羞。口中水出。心憶前人。或憐^{註3}或恨。目中淚盈。貪求財寶。心發愛涎。舉體光潤。心著行婬。男女二根。自然流液。阿難。諸愛雖別。流結是同。潤濕不昇。自然從墜。此名內分。阿難。外分。即是眾生分外。因諸渴仰。發明虛想。想積不休。能生勝氣。是故眾生。心持禁戒。舉身輕清。心持咒印。顧眄^{註4}雄毅。心欲生天。夢想飛舉。心存佛國。聖境冥現。事善知識。自輕身命。阿難。諸想雖別。輕舉是同。飛動不沈。自然超越。此名外分。阿難。一切世間。生死相續。生從順習。死從變流。臨命終時。未捨暖觸。一生善惡。俱時頓現。死逆生順。二習相交。純想即飛。必生天上。若飛心中。兼福兼慧。及與淨願。自然心開。見十方佛。一切淨土。隨願往生。情少想多。輕舉非遠。即為飛仙。大力鬼王。飛行夜叉。地行羅刹。遊於四天。所去無礙。其中若有善願。善心。護持我法。或護禁戒。隨持戒人。或護神咒。隨持咒者。或護禪定。保綏法忍。是等親住。如來座下。情想均等。不飛不墜。生於人間。想明斯聰。情幽斯鈍。情多想少。流入橫生。重為毛群。輕為羽族。七情三想。沈下水輪。生於火際。受氣猛火。身為餓鬼。常被焚燒。水能害己。無食無飲。經百千劫。九情一想。下洞火輪。身入風火。二交過地。輕生有間。重生無間。二種地獄。純情即沈。入阿鼻獄。若沈心中。有謗大乘。毀佛禁戒。誑妄說法。虛貪信施。

濫膺恭敬。五逆十重。更生十方阿鼻地獄。循造惡業。雖則自招。眾同分中。兼有元地。阿難。此等皆是彼諸眾生。自業所感。造十習。因受六交報。云何十因。阿難。一者。婬習交接。發於相磨。研磨不休。如是故有大猛火光。於中發動。如人以手。自相磨觸。暖相現前。二習。相然。故有鐵床銅柱。諸事。是故十方。一切如來。色目。行婬。同名。欲火。菩薩見欲。如避火坑。一切眾生。六識造業。所招惡報。從六根出。云何惡報。從六根出。一者。見報。招引惡果。此見業交。則臨終時。先見猛火。滿十方界。亡者神識。飛墜乘煙。入無間獄。發明二相。一者。明見。則能遍見。種種惡物。生無量畏。二者。暗見。寂然不見。生無量恐。如是見火。燒聽。能為鑊湯。洋銅。燒息。能為黑煙。紫焰。燒味。能為焦丸。鐵糜。是名地獄。十因。六果。皆是眾生迷妄所造。若諸眾生。惡業圓造。入阿鼻獄。受無量苦。經無量劫。六根各造。及彼所作。兼境兼根。是人則入八無間獄。身口意。三作。殺盜婬。是人則入十八地獄。阿難。是諸眾生。非破律儀。犯菩薩戒。毀佛涅槃。諸餘雜業。歷劫燒然。後還罪畢。受諸鬼形。若於本因。貪物為罪。是人罪畢。遇物成形。名為怪鬼。貪色為罪。是人罪畢。遇風成形。名為魅鬼。貪惑為罪。是人罪畢。遇畜成形。名為魅鬼。貪恨為罪。是人罪畢。遇蟲成形。名為毒鬼。是人皆以純情墜落。業火燒乾。上出為鬼。此等皆是自妄想業之所招引。若悟菩

註1 卵羯邏藍此云凝滑。在胎初七。胎卵未分之相。註2 胎遏蒲曇此云飽。在胎二七。胎卵漸分之相。註3 憐鄰註4 怪魁註5 魅魁

提則妙圓明本無所有。復次阿難。鬼業既盡。則情與想二俱成空。方於世間與元負人怨對相值。身為畜生。酬其宿債。物怪之鬼。物銷報盡。生於世間。多為梟類。風魅之鬼。風銷報盡。生於世間。多為咎徵。一切異類。畜魅之鬼。畜死報盡。生於世間。多為狐類。蟲蠱之鬼。滅報盡。生於世間。多為毒類。如是惡業。本自發明。非從天降。亦非地出。亦非人與。自妄所招。還自來受。菩提心中。皆為浮虛妄想。凝結。復次阿難。從是畜生。酬償先債。若彼酬者。分越所酬。此等眾生。還復為人。返徵其剩。如彼有力。兼有福德。則於人中。不捨人身。酬還彼力。若無福者。還為畜生。償彼餘直。阿難當知。若用錢物。或役其力。償足自停。如於中間。殺彼身命。或食其肉。如是乃至。經微塵劫。相食相誅。猶如轉輪。互為高下。無有休息。除奢摩他。及佛出世。不可停寢。汝今應知。彼梟倫者。酬足復形。生人道中。參合頑類。彼咎徵者。酬足復形。生人道中。參合愚類。彼狐倫者。酬足復形。生人道中。參於佞類。彼毒倫者。酬足復形。生人道中。參合庸類。是等皆以宿債。畢酬復形。人道皆無始來。業計顛倒。相生相殺。不遇如來。不聞正法。於塵勞中。法爾輪轉。此輩名為可憐愍者。

楞嚴經卷第9 大藏經第19卷147頁甘第434頁
阿難如是地獄餓鬼畜生人及神仙天洎
(及修羅精研七趣皆是昏沈諸有為妄想
想受生妄想隨業於妙圓明無作本心皆

如空花元無所有。但一虛妄。更無根緒。阿難。此等眾生。不識本心。受此輪迴。經無量劫。不得真淨。皆由隨順。殺盜淫故。反此三種。又則出生。無殺盜淫。有名鬼倫。無名天趣。有無相傾。起輪迴性。若得妙發。三摩提者。則妙常寂。有無二無。無二亦滅。尚無不殺不偷不姪。云何更隨殺盜淫事。阿難。不斷三業。各各有私。因各各私。眾私同分。非無定處。自妄發生。生妄無因。無可尋究。汝勗¹¹修行。欲得菩提。要除三惑。不盡三惑。縱得神通。皆是世間。有為功用。習氣不滅。落於魔道。雖欲除妄。倍加虛偽。如來說為可哀。憐者。汝等有學。緣覺聲聞。今日迴心。趣大菩提。無上妙覺。吾今已說。真修行法。汝猶未識。修奢摩他。毘婆舍那。微細魔事。魔境現前。汝不能識。洗心非正。落於邪見。或汝陰魔。或復天魔。或著鬼神。或遭魘魅。心中不明。認賊為子。又復於中。得少為足。如第四禪。無聞比丘。妄言證聖。天報已畢。衰相現前。謗阿羅漢。身遭後有。墮阿鼻獄。汝應諦聽。吾今為汝。仔細分別。汝等當知。有漏世界。十二類生。本覺妙明。覺圓心體。與十方佛。無二無別。由汝妄想。迷理為咎。癡愛發生。生發遍迷。故有空性。化迷不息。有世界生。則此十方。微塵國土。非無漏者。皆是迷頑。妄想安立。汝等一人。發真歸元。此十方空。皆悉銷殞。云何空中。所有國土。而不振裂。汝輩修禪。飾三摩地。十方菩薩。及諸無漏。大阿羅漢。心精通¹²。當處

湛然。一切魔王。及與鬼神。諸凡夫天。見其宮殿。無故崩裂。大地振坼。水陸飛騰。無不驚愕。凡夫昏暗。不覺遷訛。彼等咸得五種神通。唯除漏盡。戀此塵勞。如何令汝摧裂其處。是故神鬼及諸天魔。魘魅妖精。於三昧時。僉來惱汝。然彼諸魔。雖有大怒。彼塵勞內。汝妙覺中。如風吹光。如刀斷水。了不相觸。汝如沸湯。彼如堅冰。煖氣漸鄰¹³。不日銷殞。徒恃神力。但為其客。成就破亂。由汝心中。五陰主人。主人若迷。客得其便。當處禪那。覺悟無惑。則彼魔事。無奈汝何。陰銷入明。則彼群邪。咸受幽氣。明能破暗。近自銷殞。如何敢留。擾亂禪定。若不明悟。被陰所迷。則汝阿難。必為魔子。成就魔人。阿難當知。汝坐道場。銷落諸念。其念若盡。則諸離念。一切精明。動靜不移。憶忘如一。當住此處。入三摩提。如明目人。處大幽暗。精性妙淨。心未發光。此則名為色陰區宇。若目明朗。十方洞開。無復幽黯。名色陰盡。是人則能超越劫濁。觀其所由。堅固妄想。以為其本。阿難當在此中。精研妙明。四大不織。少選之間。身能出礙。此名精明流溢前境。斯但功用。暫得如是。非為聖證。不作聖心。名善境界。若作聖解。即受群邪¹⁴。受陰虛妙。不遭邪慮。圓定發明。三摩地中心。愛懸應周流。精研貪求。冥感爾時。天魔候得其便。飛精附人口。說經法。其人元不覺知。魔著。亦言自得。無上涅槃。來彼求應。善男子。處敷座說法。能令聽眾。暫見其身。如百

①蟲蠱②殺盜淫③勗(勸的俗字)-勗(勉勵)④沼(合也)⑤泯(消滅)⑥-沼⑦-腦⑧(合也)⑨圓瑛法彙釋:一旦悟後歸元。故不離當處。一念不生。與諸聖心。泯同一際。湛然虛明。無別無二(第22卷)⑩鄰⑪-隣

千歲。心生愛染不能捨離。身為奴僕。四事供養不覺疲勞。各各令其座下人心。知是先師本善。知識別生法愛。粘如膠漆。得未曾有。是人愚迷惑為菩薩。親近其心。破佛律儀。潛行貪欲。口中好言我於前世於某生中先度某人。當時是我妻妾兄弟。今來相度與汝相隨。歸某世界供養某佛。或言別有大光明天佛於中住。一切如來所住居地。彼無知者。信是虛誑。遺失本心。此名厲鬼。年老成魔。惱亂是人。厭足心生。去彼人體。弟子與師俱陷王難。汝當先覺不入輪迴。迷惑不知墮無間獄。¹⁵¹阿難當知。是十種魔於末世時。在我法中出家修道。或附人體。或自現形。皆言已成。正遍知覺。讚歎淫欲。破佛律儀。先惡魔師與魔弟子。姪姪相傳。如是邪精魅其心腑。近則九生多踰百世。令真修行總為魔眷。命終之後。畢為魔民。失正遍知。墮無間獄。汝今未須先取寂滅。縱得無學。留願入彼末法之中。起大慈悲。救度正心深信眾生。令不著魔。得正知見。我今度汝已出生死。汝遵佛語。名報佛恩。阿難。如是十種禪那現境。皆是想陰。用心交互。故現斯事。眾生頑迷不自忖量。逢此因緣。迷不自識。謂言登聖。大妄語成。墮無間獄。汝等必須將如來語。於我滅後。傳示末法。遍令眾生開悟斯義。無令天魔得其方便。保持覆護。成無上道。

楞嚴經卷第10

大藏經第19卷153頁甘503頁

阿難。如是十種禪那狂解。皆是行陰用心

交互故現斯悟。眾生頑迷不自忖量。逢此現前以迷為解。自言登聖。大妄語成。墮無間獄。汝等必須將如來語。於我滅後。傳示末法。遍令眾生覺了斯義。無令心魔自起深孽。保持覆護。消息邪見。教其身心開覺。真義於無上道。不遭歧岐。勿令心祈得少為足。作大覺王清淨標指。¹⁵⁴又善男子。窮諸行空。已滅生滅。而於寂滅。精妙未圓。於命明中。分別精麤。¹⁵²疏決真偽。因果相酬。唯求感應。背清淨道。所謂見苦斷集證滅修道。居滅已休。更不前進。生勝解者。是人則墮定性聲聞。諸無聞僧。增上慢者。成其伴侶。迷佛菩提。亡失知見。是名第九圓精應心。成趣寂果。違遠圓通。背涅槃城。生纏空種。又善男子。窮諸行空。已滅生滅。而於寂滅。精妙未圓。若於圓融。清淨覺明。發研深妙。即立涅槃。而不前進。生勝解者。是人則墮定性辟支。諸緣獨倫。不迴心者。成其伴侶。迷佛菩提。亡失知見。是名第十圓覺溜心。成湛明果。違遠圓通。背涅槃城。生覺圓明。不化圓種。阿難。如是十種禪那中途成狂。因依迷惑。於未足中生滿足證。皆是識陰。用心交互。故生斯位。眾生頑迷不自忖量。逢此現前。各以所愛。先習迷心。而自休息。將為畢竟所歸。寧地。自言滿足。無上菩提。大妄語成。外道邪魔。所感業終。墮無間獄。聲聞緣覺。不成增進。汝等存心。乘如來道。將此法門。於我滅後。傳示末世。普令眾生覺了斯義。無令見魔自作沈孽。保綏哀

救消息邪緣。令其身心入佛知見。從始成就不遭歧路。

維摩詰所說不可思議解脫經卷中

大藏經第14卷547頁

爾時文殊師利問維摩詰言。菩薩云何觀於眾生。維摩詰言。譬如幻師見所幻人。菩薩觀眾生為若此。如智者見水中月。如鏡中見其面像。如熱時焰。文殊師利言。若菩薩作是觀者。云何行慈。維摩詰言。菩薩作是觀。已自念。我當為眾生說如斯法。是即真實慈也。行菩薩慈安眾生故。行如來慈得如相故。行佛之慈覺眾生故。行法施慈無遺惜故。行無誑慈不虛假故。行安樂慈令得佛樂故。文殊師利又問。何謂為悲。答曰。菩薩所作功德。皆與一切眾生共之。何謂為喜。答曰。有所饒益歡喜無悔。何謂為捨。答曰。所作福祐無所悵望。文殊師利又問。生死有畏。菩薩當何所依。維摩詰言。菩薩於生死畏中。當依如來功德之力。文殊師利又問。菩薩欲依如來功德之力。當於何住。答曰。菩薩欲依如來功德力者。當住度脫一切眾生。又問。欲度眾生當何所除。答曰。欲度眾生除其煩惱。又問。欲除煩惱當何所行。答曰。當行正念。又問。云何行於正念。答曰。當行不生不滅。又問。何法不生。何法不滅。答曰。不善不生。善法不滅。又問。善不善孰為本。答曰。身為本。又問。身孰為本。答曰。欲貪為本。又問。欲貪孰為本。答曰。虛妄分別為本。又問。虛妄分別孰為本。答曰。顛倒想為本。又問。顛倒想

孰為本。答曰：無住為本。又問：無住孰為本。答曰：無住則無本。文殊師利從無住本立一切法。⁵⁴⁸爾時文殊師利問維摩詰言：菩薩云何通達佛道。維摩詰言：若菩薩行於非道，是為通達佛道。又問：云何菩薩行於非道。答曰：若菩薩行五無間而無惱恚，至于地獄無諸罪垢，至于畜生無有無明憍慢等過，至于餓鬼而具足功德，行色無色界道不以為勝，示行貪欲離諸染著，示行瞋恚於諸眾生無有恚閔，示行愚癡而以智慧調伏其心，示行慳貪而捨內外所有，不惜身命，示行毀禁而安住淨戒，乃至小罪猶懷大懼，示行瞋恚而常慈忍，示行懈怠而勤修功德，示行亂意而常念定，示行愚癡而通達世間出世間慧，示行詭偽而善方便，隨諸經義，示行憍慢而於眾生猶如橋梁，示行諸煩惱而心常清淨，示入於魔而順佛智慧不隨他教，示入聲聞而為眾生說未聞法，示入辟支佛而成就大悲教化眾生，示入貧窮而有寶手功德無盡，示入刑殘而具諸相好，以自莊嚴，示入下賤而生佛種，姓中具諸功德，示入羸劣醜陋而得那羅延身，一切眾生之所樂見，示入老病而永斷病根，超越死畏，示有資生而恒觀無常，實無所貪，示有妻妾采女而常遠離五欲淤泥，現於訥鈍而成就辯才，總持無失，示入邪濟而以正濟度諸眾生，現遍入諸道而斷其因緣，現於涅槃而不斷生死。文殊師利，菩薩能如是行於非道。

是為通達佛道。於是維摩詰問文殊師利何等為如來種。文殊師利言：有身為種，無明有愛為種，貪恚癡為種，四顛倒為種，五蓋為種，六入為種，七識處為種，八邪法為種，九惱處為種，十不善道為種。以要言之，六十二見及一切煩惱皆是佛種。曰：何謂也。答曰：若見無為入正位者，不能復發阿耨多羅三藐三菩提心，譬如高原陸地不生蓮華，卑濕淤泥乃生此華。如是見無為法入正位者，終不復能生於佛法。煩惱泥中乃有眾生起佛法耳。又如殖種於空終不得生，糞壤之地乃能滋茂。如是入無為正位者不生佛法。起於我見如須彌山，猶能發于阿耨多羅三藐三菩提心。生佛法矣。是故當知一切煩惱為如來種。譬如不下巨海不能得無價寶珠，如是不入煩惱大海，則不能得一切智寶。

大寶積經第3卷 大藏經第11卷15頁

此劫過去已滿於六十劫，當不聞佛名，何能生信樂。若人相會遇，饑餓苦所侵，母子是時中，互相食其肉，彼時所生子，悼惶行不安，住在己家中，猶生大怖畏，見聞此事已，知其生死燒，誰有智慧人，於中生愛樂，無明是生根，女人是欲根，蘊為苦惱根，是故應捨苦，世有愚眾生，耽著於女欲，人能離癡者，疾當得涅槃，宣暢此法時，不遭於惡果，不說果有漏，故墮惡趣中，所有無漏法，空空無所有，寂靜本無堅，宜應速了悟。

大寶積經第10卷 大藏經第11卷59頁
密迹金剛力士謂寂意菩薩曰：此三千大千世界有八十四億百千以房娑羅生之類，言辭各異，計是一切皆歸一議，至真之慧，至誠無怒，如是寂意，是則如來言辭祕要，又寂意，如來言辭決於一切眾生疑網，令無餘結。十方一切所有眾生，眾生種類多於地土，此眾生之類所行各異，與本不同。

大寶積經第18卷 大藏經第11卷96頁

佛告阿難：汝今諦聽，彼二菩薩一名觀自在，二名大勢至，阿難。此二菩薩從娑婆世界捨壽量已，往生彼國，阿難。彼極樂界所生菩薩皆具三十二相，膚體柔軟，諸根聰利，智慧善巧，於差別法無不了知。禪定神通，善能遊戲，皆非薄德鈍根之流。彼菩薩中有得初忍，或第二忍者，無量無邊，或有證得無生法忍，阿難。彼國菩薩乃至菩提，不墮惡趣，生生之處能了宿命，唯除五濁剎中出現於世。

大寶積經第37卷 大藏經第11卷211頁

舍利子，有四識住，識依此住，故名識住。何者為四，所謂色識住者，識緣於色，識住色中。由如此故，生喜住著，轉加增長，堅固廣大。受識住者，識緣於受，識住受中。由如此故，生喜住著，轉加增長，堅固廣大。想識住者，識緣於想，識住想中。由如此故，生喜住著，轉加增長，堅固廣大。行識住者，識緣於行，識住行中。由如此故，生喜住著，轉加增長，堅固廣大。舍利子，如是等相名之為

識：所謂不住五受蘊中了達識蘊，是名為智。又舍利子，所言識者，謂能了別地界、水界、火界、風界，是名為識。所言智者，若有不住四大界中，能善通達識之法界，不相離者是名為智。又舍利子，所言識者，謂能了別眼所知色、耳所知聲、鼻所知香、舌所知味、身所知觸、意所知法，是名為識。所言智者，於內寂靜不行於外，唯依於智，不於一法而生分別，及種種分別，是名為智。又舍利子，從境界生是名為識，從作意生是名為識，從分別生是名為識，無取無執，無有所緣，無所了別，無有分別，是名為智。又舍利子，所言識者，住有為法，何以故？無為法中識不能行，若能了達無為之法，是名為智。又舍利子，住生滅者名之為識，不生不滅無有所住，是名為智：如是諸相，若識若智，是名如來第二不思議大智。

大寶積經第38卷

大藏經第11卷 222頁

又諸有情非可現見，而為如來天眼所見，亦非彼外五通仙眼之所能見，亦非聲聞獨覺菩薩等眼之所能見，彼一切如來天眼悉能現見，如是非所現見微細眾生如車輪量，如來以天眼觀之，多於三千大千世界所有人天，如是一切無量無邊不可思議。

大寶積經第41卷

大藏經第11卷 238頁

何等名為時非時捨？童子當知，菩薩摩訶薩具大智慧，善能修習時與非時，謂非法器諸眾生所應起於捨，不恭敬所應起於捨，於無利益譏毀苦惱應起於捨，於聲聞

乘趣正決定，應起於捨，於修施時應捨修戒，於修戒時應捨修施，於修忍時應捨修引，施戒精進，修精進時應捨修戒，修靜慮時應捨修度，修習慧時應捨修緣，發五波羅蜜多：何以故？由所不應作法無造作性故，是故菩薩深知非益而行於捨，若有菩薩摩訶薩安住大捨波羅蜜行菩薩行，則於一切惡不善法能興大捨，童子如是等相，是名菩薩摩訶薩大慈大悲大喜大捨。若諸菩薩摩訶薩安住如是四無量波羅蜜者，當知是則為菩薩藏法門之器，又是諸佛正法之器。

大寶積經第45卷

大藏經第11卷 266頁

舍利子，於當來世正法滅時，有諸菩薩摩訶薩安住大乘，修行正勤波羅蜜多者，於是經典勤加修學，發大精進聽聞受持，書寫讀誦窮尋旨趣，廣為他說，敷揚開顯，爾時當有十障礙法出現世間，諸有智者深當覺知不應隨轉，但當發起勇猛精進，受持是經，舍利子，何等名為十種障礙？智者覺知不應隨轉，舍利子，有諸苾芻發勤精進，於是經典求聞誦習，爾時惡魔令持經者口噤不語，便於是經不得建立，是名第一障礙之法。諸有智者深當覺知不應隨轉，又舍利子，有諸苾芻發勤精進，於是經典求聞誦習，爾時惡魔令持經者患其眼目，便於是經不得建立，是名第二障礙之法。諸有智者深當覺知不應隨轉，又舍利子，有諸苾芻發勤精進，於是經典求聞誦

習，爾時惡魔令持經者身諸支節一時皆病，便於是經不得建立，是名第三障礙之法。諸有智者深當覺知不應隨轉，又舍利子，有諸苾芻發勤精進，於是經典求聞誦習，爾時惡魔令持經者於其住處心不喜樂，尋欲捨棄，便於是經不得建立，是名第四障礙之法。諸有智者深當覺知不應隨轉：有諸苾芻發勤精進，於是經典求聞誦習，爾時惡魔令持經者互生忿恚，為忿壞心相加殘害，便於此經不得建立，是名第五障礙之法。諸有智者深當覺知不應隨轉，又舍利子，有諸苾芻發勤精進，於是經典欲求誦習，爾時惡魔令持經者起言諍事，起鬪訟事，起譏刺事，起乖離事，起瞋罵事，由是事故彼此口中互生矛盾，互相言訟，互相殘害，互相乖競，由起如是諍競事故，便生障礙，於是經典不得流轉：正法欲滅，爾時有諸年少苾芻，於是經典起清淨信心生愛樂，在我法律中為行毘利耶波羅蜜多故發勤精進，於阿耨多羅三藐三菩提深心安住，又於是經恭敬聽聞，既得聞已生大歡喜，時諸年少苾芻當為鄔波陀耶及阿遮利耶，二本學師之所障礙，令於自法不生樂欲，是時二師而語之言，汝所持經此非佛語，非佛菩提非是正法，非毘奈耶非大師教，時彼苾芻聞師教誨信受領解，於佛菩提即便棄捨，是時二師重語苾芻，汝等應當精進修學，如我所說若法若律，時諸苾芻信受領已，先所修

① 鄔波陀耶又作優婆馱耶，譯曰親教師。阿遮利耶為阿闍梨之新稱，譯為軌範師，是能教弟子法式之義。

習增上善根。為師所壞。皆悉斷滅。舍利子。彼諸苾芻。斷善根已。復為惡魔之所誑惑。由誑惑故。於佛正教。造障法業。臨命終時。惡境現前。昏癡迷亂。乃至夭死。都皆集現。而復重興。感地獄業。舍利子。如是當來。諸不善事。如來於此。悉能了知。又舍利子。當來之世。有諸年少。苾芻。於是經典。起諸惡見。誹謗不信。凡所遊履。經行往來。以種種言。常興謗毀。如來於此。悉能了知……

大寶積經第57卷

大藏經第11卷 331頁

世尊復告難陀。汝今既知胎苦。生苦。應識凡受胎生者。是極苦惱。生七日已。身內即有八萬戶蟲。縱橫噉食。難陀。有一戶蟲名曰食髮。依髮根住。常食其髮。如此之身。甚可厭患。如斯色類。常有八萬戶蟲。日夜噉食。由此令身熱惱。羸瘦。疲困。飢渴。又復心有種種苦惱。憂愁悶絕。眾病現前。無有良醫。能為除療。難陀。於大有海。生死之中。有如是苦。云何於此。而生愛樂。復為諸神病之所執持。所謂天神。龍神。八部所持。及諸鬼神。乃至羯吒布單那。及餘禽獸。諸魅所持。或為日月星辰所厄。此等鬼神。作諸病患。逼惱身心。難可具說……³³³誰是入住出俱不正念。如有一類凡夫。有情。樂毀淨戒。不修善品。常為惡事。作諸惡行。心不質直。多行放逸。無有智慧。貪財。慳吝。手常拳縮。不能舒展。濟惠於人。恒有希望。心不調順。見行顛倒。臨終悔恨。諸不善業。皆悉現前。當死之時。猛利楚毒。痛惱逼切。其心散

亂。由諸苦惱。不自憶識。我是何人。從何而來。今何處去。難陀。是謂三時。皆無正念。廣說如上。難陀。此諸有情。生在人中。雖有如。是無量苦惱。然是勝處。於無量百千俱胝劫中。人身難得。若生天上。常畏墜墮。有愛別離苦。云何世間善趣。謂是人天人趣。難得。遠離難處。更復是難。云何惡趣。謂三惡道。地獄趣者。常受苦切。極不如意。猛利楚毒。難可譬喻。餓鬼趣者。性多瞋恚。無柔軟心。諂誑殺害。以血塗手。無有慈悲。形容醜陋。見者恐怖。設近於人。受飢渴苦。恒被障礙。傍生趣者。無量無邊。作無義行。無福。行無法行。無善行。互相食噉。強者凌弱。有諸傍生。若生若長。若死。皆在暗中。不淨糞尿垢穢之處。或時暫明。所謂蜂蝶蚊蟻。蚤虱蛆蟲之類。自餘復有無量無邊。生長常暗。由彼先世。是愚癡人。不聽經法。恣身語意。貪著五欲。造眾惡事。生此類中。受愚迷苦。復有無量無邊。傍生有情。聞屎尿香。速往其處。以為食飲。所謂豬羊雞犬。狐貉。鷓鴣。鷲。烏。蠅。蜚。蠊。禽獸之類。皆由先世惡業所招。受如是報……

大寶積經第58卷

大藏經第11卷 340頁

有世界名娑婆。佛號釋迦牟尼。為欲召集諸菩薩故。而現此瑞。彼菩薩言。何故名為娑婆世界。佛言。彼界堪忍。貪恚愚癡。及諸苦惱。是故名為娑婆世界。彼菩薩言。娑婆世界。諸眾生等。皆能忍受。惡罵捶打。諸惱亂耶。佛言。善男子。彼界眾生。少能成就。若

斯功德。而多隨順。貪恚愚癡。怨恨纏縛。彼菩薩言。若如是者。彼界不應名娑婆也。彼佛刹土。亦有行菩薩乘。諸善男子。及善女人。已曾供養無量諸佛。成就忍辱。將護眾生。善自調伏。若有眾生。以諸苦惱。而來加害。悉能含忍。終不放逸。貪恚愚癡。善男子。由有如此諸善丈夫。是故彼界名曰娑婆。相莊嚴。星宿聚。王菩薩。白佛言。世尊。我等今者。得大善利。不生於彼。弊惡下劣眾生之中。佛言。善男子。莫作是說。何以故。東北方。有世界。名妙莊嚴。忍。彼現有佛號。大自在王。其土眾生。皆悉具足。一向安樂。譬如比丘。入於滅定。彼之安樂。亦復如是。若有眾生。於彼佛土。億百千歲。修諸梵行。不如於此娑婆世界。一彈指頃。於諸眾生。起慈悲心。所獲功德。尚多於彼。何況能於一日一夜。住清淨心……

大寶積經第59卷

大藏經第11卷 341頁

舍利弗。菩薩成就一法。令願不退。嚴淨佛刹。何謂一法。是菩薩應當樂學。不動如來。為菩薩時。本所修行。立弘誓願。我當所在。生處。初生之時。若不出家。則為欺誑十方諸佛。如是舍利弗。是諸菩薩。應隨順學。若佛出世。若不出世。一切生處。皆悉決定。捨家出家。何以故。而諸菩薩。最勝利益。所謂出家。舍利弗。樂出家者。則能攝取十種功德。何等為十。一者。不著諸欲。二者。樂阿蘭若。三者。行佛所行。四者。離凡夫行。五者。不著妻子。及以財產。六者。離惡道因。七者。修

善趣法。八者宿世善根皆不損減。九者恒為諸天之所歎羨。十者一切鬼神恭敬守護。若菩薩常樂出家獲得如是十種功德。是故舍利弗。菩薩志求菩提欲度眾生常當出家。是名菩薩成就一法……

大寶積經第77卷

大藏經第11卷437頁

菩薩聞未聞法思量義理不即言非。菩薩成就此初法者。則於阿耨多羅三藐三菩提不退轉。佛告富樓那。以是因緣。當知菩薩聞未聞法。信受不逆。正心思量。不即言非。則能饒益無量眾生……⁴³⁹有菩薩若於一劫若減一劫。修行淨戒。苦行難行。具足頭陀。隨所緣事。深生欲心。而離諸法實相。如是不名真實精進。富樓那。白佛言。世尊。何者是菩薩真實精進。諸佛所讚。世俗智者所不譏嫌。佛告富樓那。菩薩於所未聞。應深空法。無有微相。第一義。如是深經。不違不逆。明了其義。勤發精進。心不退沒。聽受讀誦。為人解說。是名菩薩真實精進。謂聞深經。通達其義。不違不逆。如是精進。諸佛所讚。世間智者所不能訶……

⁴⁴¹富樓那。白佛言。世尊。我本作何罪障。於一劫中發阿耨多羅三藐三菩提心。而還退失。佛言。富樓那。隨逐依止惡知識。故又不能廣流布法故……

親近惡知識 懈怠於菩提 以是因緣故
失上菩提心 深生惡我見 墮在邊邪見
而起破法罪 生在於難處 生於難處已
則斷菩提心 忘失本憶念 是故失菩提

是人不得聞 生菩提心法 是心若增長
能成於菩提 得廣大妙法 慳悋不欲說
以是因緣故 退失於菩提 求大乘菩薩
應知是四法 若知此四法 菩提得以生
是故應遠離 如此四惡法 勤修行空法
得近善知識 得如是經已 不應慳悋惜
勤心為人說 從是生菩提

大寶積經第78卷

大藏經第11卷443頁

我當修習賢聖所作。不應隨逐凡夫所作。何等為是賢聖所作。謂於諸法遠離解脫。我為遠離故。學不為和合故。學如是虛妄。憶想分別。是皆和合。為誰和合。為是貪欲和合。為是瞋恚愚癡和合。云何名為貪欲。瞋恚愚癡和合。以身癡故。身見癡故。貪身見故。身受苦時。瞋恚他人。是名瞋恚和合。有以身見癡故。貪身見故。不隨意故。瞋恚他人。是名愚癡和合。若人如是三毒所縛。或起如是罪業。因緣。諸佛不救。何況餘人……

大寶積經第79卷

大藏經第11卷450頁

目連。諸佛成就大悲之心。若我弟子聞說此悲。具足義者。心則迷悶。無所復樂。目連。且置如來大悲。若我具說。為菩薩時。所有大悲。汝亦迷悶。無所復樂。爾時目連。白佛言。善哉世尊。願說本行菩薩道時。大悲少分。佛告目連。汝今諦聽善念持之。當為汝說。本行菩薩道時。大悲少分。當以譬喻解說其義。本行菩薩道時。所行大悲。說不可盡。而是大悲。依於四事。何等為四。是菩薩大悲。菩薩隨所住悲。能修佛法。名為大悲。

目連。我本於眾生有如是大悲。有如是。大願。所有眾生於阿鼻大地獄。受諸苦惱。黑繩大地獄。僧伽陀地獄。活地獄。叫喚地獄。大叫喚地獄。炙地獄。大炙地獄。我常代此眾生。受諸大地獄中苦。乃至罪畢。受諸苦時。心無憂悔。目連。若可有是。因緣得度眾生。我能盡代。令諸眾生出大地獄。我代受苦。一入地獄。盡諸眾生所作罪業。我於爾時。心無憂悔。目連。我發如是大願。精進諮問。有智。所謂佛及弟子。可有如是道理。因緣代受苦惱。令諸眾生出地獄。不目連。智者聞已。但為我讚說多聞。深發道心。布施持戒。忍辱精進。讚說親近善知識。目連。我聞是已。大發精進。為求法故。深生欲心。求得成就。諸佛大法。勤行精進。具諸波羅蜜。深行忍辱……

大寶積經第82卷

大藏經第11卷476頁

在家菩薩受持八戒。修沙門行。應當親近淨戒。德行沙門。婆羅門。依止給使。不見其過。若見沙門。越於戒行。不應不敬。又佛如來。是應供。正遍覺。戒行所勳。定慧解脫。解脫。知見所勳。袈裟無有滓濁。一切結染。皆悉捨離。仙聖之幢。倍生恭敬。於彼比丘。生大悲心。彼不應為如此惡行。諸佛世尊。名寂調伏。一切悉知。聖幢相服。不寂不調。不伏不知。作此非法。如世尊說。不輕末學。非是彼過。是結使咎。以結使故。現造是惡。此佛法中有於出法。是人能出。則有是處。若解是結。修行正觀。得至初果。定趣無上正

真之道。何以故。智能害結。世尊又說。人則不應妄輕。量人則為自傷。如來所知非我所知。是故不應瞋嫌害彼。⁴⁷⁷出家菩薩見十事故。盡其形壽。不捨乞食。何等十。我今自活不由他活。若有眾生施我食者。要令安住於三歸處。然後受食。若不施食。於是眾生大起大悲心。為彼眾生勤行精進。令是眾生所作。辦已後食其食。又不違佛所教。為殖滿足根本。因故。依降伏慢。積集無見頂。因緣故。不為女人丈夫男女。共合。故平等乞食。於諸眾生。生平等心。集一切智莊嚴具。故長者。出家菩薩見此十利。盡壽不捨於乞食法。若有至心。敬信來請。爾時應去。若有請者。不至心請。觀有自利。利彼因緣。即便應去。⁴⁷⁸守護正法。信於業報。是名正見。斷於一切妄想。分別是正思惟。隨所解法。而為演說。是名正語。除盡業漏。⁴⁷⁹是名正業。斷除結習。是名正命。勤趣於定。是名正進。不忘諸法。是名正念。得一切智。知是名正定。解空不驚。無相不怖。無願不怯。心不執有。依義不依語。依智不依識。依法不依人。依了義經。不依不了義經。長者。是名出家菩薩。住沙門法。⁴⁷⁹云何出家菩薩。住阿練兒處。修習滿於禪波羅蜜。長者。出家菩薩。住阿練兒處。捨於禪定教化。眾生修諸善根。長者。是名出家菩薩。住阿練兒處。修習滿於禪波羅蜜。⁴⁸⁰

大寶積經第85卷 大藏經第11卷487頁
世尊告幻師言。一切眾生及諸資具。皆是

幻化。謂由於業之所幻故。諸比丘眾亦是幻化。謂由於法之所幻故。我身亦幻。智所幻故。三千大千一切世界。亦皆是幻。一切眾生。共所幻故。凡所有法。無非是幻。因緣和合之所幻故。汝今應以幻化飲食。隨次而行。世尊飯食已訖。欲滿幻師所施願。故復說偈言。能於所施物。施者及受人。等無分別心。是則施圓滿。

大寶積經第90卷 大藏經第11卷515頁

一切菩薩有二犯戒。何等為二。一者瞋相。應犯。二者癡相應犯。如是二犯。名大破戒。舍利弗。因貪犯者。為過微細。難可捨離。因瞋犯者。為過麤重。易可捨離。因癡犯者。為過深重。復難捨離。所以者何。貪結能為諸有種子。生死蔓莖。連持不絕。以是義故。微細難斷。因瞋犯者。墮於惡趣。可速除斷。因癡犯者。當墮八種大地獄中。難可解脫。復次舍利弗。若有菩薩。犯波羅夷者。應對清淨十比丘。前以質直心。殷重懺悔。犯僧殘者。對五淨僧。殷重懺悔。若為女人染心所觸。及因相顧而生愛著。應對一二清淨僧。前殷重懺悔。舍利弗。若諸菩薩。成就五無間罪。犯波羅夷。或犯僧殘。犯塔犯僧。及犯餘罪。菩薩應當於三十五佛。前晝夜獨處。殷重懺悔。⁵¹⁶爾時世尊。告優波離。汝今當知。聲聞菩薩。學清淨戒。所發心。所修行。異。優波離。有聲聞。乘持清淨戒。於菩薩。乘名大破戒。有菩薩。乘持清淨戒。於聲聞。乘名大破戒。云何名為聲聞。乘人。雖持淨戒。

於菩薩。乘名大破戒。優波離。聲聞乘人。乃至不應起於一念。更受後身。是名聲聞。持清淨戒。然於菩薩。名大破戒。云何菩薩。持清淨戒。於聲聞。乘名大破戒。菩薩摩訶薩。修行大乘。能於無量阿僧祇劫。堪忍受身。不生厭患。是名菩薩。持清淨戒。於聲聞。乘名大破戒。以是義故。為菩薩。乘說不盡護戒。為聲聞。乘說盡護戒。為諸菩薩。說開遮戒。為諸聲聞。說唯遮戒。為菩薩。乘說深心戒。為聲聞。乘說次第戒。云何菩薩。持不盡護戒。聲聞乘者。持盡護戒。菩薩乘人。雖持淨戒。於諸眾生。應當隨順。聲聞乘人。不應隨順。是故菩薩。持不盡護戒。聲聞乘人。持盡護戒。云何名為菩薩。持開遮戒。聲聞乘人。持唯遮戒。若諸菩薩。於大乘中。發趣修行。日初分時。有所犯戒。於日中分。不離一切智心。如是菩薩。戒身不壞。若日中分。有所犯戒。於日後分。不離一切智心。如是菩薩。戒身不壞。以是義故。菩薩乘人。持開遮戒。設有所犯。不應失念。妄生憂悔。自惱其心。於聲聞。乘有所犯者。便為破壞。聲聞淨戒。何以故。聲聞。持戒。斷除煩惱。如救頭然。所有志樂。但求涅槃。以是義故。名聲聞。乘持唯遮戒。復次優波離。云何菩薩。持深入戒。聲聞乘人。持次第戒。菩薩乘人。於恒沙劫。受五欲樂。遊戲自在。未曾捨離。菩提之心。如是菩薩。不名失戒。所以者何。菩薩善能守護。安住菩提之心。乃至夢中。一切結使。不為其患。而是菩薩。所有煩惱。漸漸

當盡。不應一生便盡諸結。聲聞乘者。成熟

善根如救頭然。乃至一念不熹受生。以是
義故。大乘之人持深入戒。說有開遮。名不
盡護。聲聞乘人持次第戒。名曰唯遮。名為
盡護。何以故。優波離求大乘者。於阿耨多
羅三藐三菩提甚為難得。具大莊嚴。乃能
成就。是故菩薩雖於無量阿僧祇劫。往來
生死。終不生於厭離之心。以是義故。如來
觀察為大乘人。不應一向說厭離法。不應
一向說於速證涅槃之法。應當為說慈喜
相應甚深微妙無染之法。遠離憂悔無繫
著法。無障無礙性空之法。菩薩聞已。於生
死中而無厭倦。決定圓滿無上菩提。若
諸菩薩修行大乘如恒沙劫。貪心相應而
犯戒者。其罪尚輕。若一瞋心而犯於戒。其
罪甚重。何以故。因貪犯戒。攝受眾生。因瞋
犯戒。棄捨眾生。優波離。所有諸結能攝眾
生。菩薩於此不應生畏。所有諸結能捨眾
生。菩薩於此應生怖畏。優波離。如佛所說。
貪欲難捨。為過微細。瞋恚易捨。為過麤重。
癡難捨。離過復麤重。優波離。於煩惱中。若
難捨離小犯之罪。是諸菩薩應當堪忍。若
易捨離大犯之罪。如是煩惱。乃至夢中不
應忍受。以是義故。大乘之人。因貪犯戒。我
說是人。不名為犯。因瞋犯戒。為大犯戒。名
大過患。名大墮落。於佛法中。是大留難。優
波離。若諸菩薩於毘尼中。無善方便。貪相
應犯。便生怖畏。瞋相應犯。不生怖畏。若諸
菩薩於毘尼中。有善方便。貪相應犯。不生

怖畏。瞋相應犯。生大怖畏。

91卷⁵²³爾時彌勒菩薩白佛言。世尊。如我解
佛所說義。若諸菩薩於後末世五百歲中。
樂欲離諸業障纏縛。自無損害而得解脫。
是人當於菩薩行中。深生信解。於他過失。
不生分別。志求如來真實功德。佛言。如是
如是。彌勒。是故當於諸菩薩等方便行中。
深生信解。何以故。慧行菩薩方便之行。難
信解故。彌勒。譬如須陀洹人。示凡夫行。如
是凡夫。與須陀洹位各差別。凡夫愚人以
貪瞋癡之所纏。故墮諸惡道。而須陀洹於
貪瞋癡善能了達。終不墮落三惡道耳。彌
勒。慧行菩薩亦復如是。於貪瞋癡習氣未
斷。彼亦別餘初業菩薩。何以故。其心不為
煩惱所覆。不同初業諸菩薩等。鈍行菩薩
無有善巧。同諸凡夫。不能出離。彌勒。慧行
菩薩一切重罪。以智慧力。悉能摧滅。亦不
因彼墮於惡道。

大寶積經第92卷 大藏經第11卷⁵²³頁
佛告彌勒菩薩言。彌勒。初業菩薩既出家
已。欲令慧力而得增長。當於利養。知其過
失。應須捨離。若好憤鬧。世俗言語。耽著睡
眠。廣營眾務。樂諸戲論。如是過失。皆應遠
離。若於勤修智慧。菩薩承事供養。當獲
無量福德之聚。何以故。智慧之業。無上最
勝。超過一切三界所行。是故彌勒。若有菩
薩發起精進。於智慧中。當勤修習。若有
眾生發十種心。隨一一心。專念向於阿彌
陀佛。是人命終。當得往生彼佛世界。世尊。

何等名為發十種心。由是心故。當得往生

彼佛世界。佛告彌勒菩薩言。彌勒。如是十
心。非諸凡愚不善丈夫。具煩惱者之所能
發。何等為十。一者於諸眾生起於大悲。無
損害心。二者於諸眾生起於大悲。無逼惱
心。三者於佛法。不惜身命。樂守護心。四
者於一切法。發生勝忍。無執著心。五者不
貪利養恭敬尊重淨意樂心。六者求佛種
智於一切時。無忘失心。七者於諸眾生尊
重恭敬。無下劣心。八者不著世論。於菩提
分生決定心。九者種諸善根。無有雜染。清
淨之心。十者於諸如來。捨離諸相。起隨念
心。彌勒。是名菩薩發十種心。由是心故。當
得往生阿彌陀佛極樂世界。彌勒。若人於
此十種心中。隨成一心。樂欲往生彼佛世
界。若不得生。無有是處。

大寶積經第93卷 大藏經第11卷⁵³¹頁
云何菩薩摩訶薩。具足羸提波羅蜜。是菩
薩。若自眷屬。若他眾生。來奪菩薩命者。菩
薩爾時於此事中。終不生於瞋報之心。或
有他人。來奪菩薩財物。乃至妻子。若說兩
舌惡口。妄言綺語。若有恐怖。繫縛囚執。鞭
杖刑戮。以種種苦。加於菩薩。菩薩爾時。亦
復不生還報之心。若奪命根。及一切物。乃
至妻子。若說兩舌惡口。妄言綺語。恐怖繫
縛囚執。鞭杖刑戮。是菩薩思惟如是諸事。
是我惡行。不善業報。自作自受。或過去世。
或現在世。若先作已。今受果報。我今云何
於自果報。而瞋於他。我今現世。受少苦

惱尚不愛熹不可適意云何生瞋加害於他。於當來世受諸罪報。無量無邊百千萬億。苦惱甚多。不喜不愛不可適意。諸果報也。復次善臂菩薩如是思惟。有命根故斷截命根。有財物故剋奪財物。有妻子故奪其妻子。有耳根故聞兩舌惡口妄言綺語。有此身故。有恐怖繫縛囚執鞭杖刑戮。今我自受命根耳根身受苦入。云何以瞋加害於他。此六根非我。非我所中莊嚴愛著。生於瞋恚加害他人。復次善臂菩薩摩訶薩如是思惟。人中苦少。餓鬼苦多。畜生中苦轉復增多。地獄苦惱。無量無邊不可計倍。人中少苦尚不欲受。何況於未來世中。受三惡道無量苦惱。是故我今不應生瞋加害於他。復次善臂菩薩摩訶薩如是思惟。我今若能利益一人。尚不應瞋加害於他。繫縛冤家。何況我當以甚深法義。利益一切世間無量眾生。發大莊嚴。

大寶積經第96卷

大藏經第11卷 540頁

菩薩摩訶薩。於阿耨多羅三藐三菩提勝志樂者。當於一切眾生起大悲心。應廣修行。應勤熏習。是故菩薩於身命財及以妻子倉庫舍宅飲食衣服車乘臥具花鬘塗香一切樂具。應無所著。何以故。以諸眾生執著於身而生惡業。由惡業故墮地獄中。若於眾生起大悲心。於身命財則不執著。便生善趣。

大寶積經第101卷

大藏經第11卷 567頁

文殊師利言。須菩提。於意云何。若有醫人

將護病者。不與辛酸苦澁等藥。而彼醫人於彼病者。為與其差。為與死耶。須菩提言。是與死苦。非施安樂。文殊師利言。其說法者亦復如是。若將護於他。恐生驚怖。隱覆如是甚深之義。但以雜句綺飾文辭。而為演說。則授眾生老病死苦。不與無病安樂涅槃。說此法時。五百比丘。不受諸法漏盡意解。八千人遠塵離垢。於諸法中得法眼淨。七百天子。發阿耨多羅三藐三菩提心。作是願言。我等於未來世。當如文殊師利得是辯才。文殊師利告善德天子。言。有四種法。菩薩住於不放逸者。則能攝取一切佛法。何等為四。一者住於戒律而具多聞。二者住於禪定而行智慧。三者住於神通而起大智。四者住於寂靜而常觀察。諸天子言。文殊師利云何菩薩去來之道。文殊師利言。天子。菩薩證菩提而去。如應說法而來。得諸禪解脫而去。現生欲界中來。入於聖道而去。大悲成熟眾生故來。得無生法忍而去。忍受眾生故來。於一切法出離而去。拔出眾生故來。誓願堅固而去。誓願無自性而來。三解脫門而去。故受生而來。菩提道場而去。為安立眾生於菩提故來。天子。是名諸菩薩去來之道。說此菩薩道時。五百菩薩得無生法忍。

大寶積經第103卷

大藏經第11卷 577頁

文殊師利言。且止天子。汝今不應妄想分別菩薩退轉。何以故。若使菩薩有退轉者。彼終不能成等正覺。所以者何。是菩提中

無退法故。善住復言。大士。若如是者。當於何處有斯退轉。文殊師利言。天子。當知從貪欲故有退轉。從瞋恚故有退轉。從愚癡故有退轉。從有愛故有退轉。從無明故有退轉。乃至從十二有分生死所生故有退轉。從因故有退轉。從見故有退轉。從名故有退轉。從色界故有退轉。從欲界故有退轉。從聲聞行故有退轉。從辟支佛行故有退轉。從分別故有退轉。從執著故有退轉。從顛倒故有退轉。從我見故有退轉。如是乃至我當成佛。我當說法。我度眾生。我當破魔。我得智慧。從是諸想故有退轉。如是天子。若能分別如來十力。不分別四無所畏。不分別菩薩。乃至不分別一切分別退轉者。是名不退轉。爾時善住意天子復白文殊師利言。大士。若如是者。當於何處得不退轉。文殊師利言。天子。當知從通達佛慧故得不退轉。從空故不退轉。從無相故不退轉。從無願故不退轉。從如故不退轉。從法性故不退轉。從實際故不退轉。從平等故不退轉。善住意言。大士。若如是說。一切諸分別無分別。二俱不異。所以者何。皆從思惟分別生故。是故得言彼有退轉。又問。如是退轉。為有法耶。為無法乎。文殊師利言。非有非無。如是退轉。善住意言。大士。若爾。何處退轉。文殊師利言。若有若無。是虛妄取。是顛倒取。是不如取。彼則不

取亦非不取。以是義故。得言退轉。而彼退法不可說有。不可說無。何以故。若有無中有退轉者。彼即為過。所以者何。若有法退轉則墮常邊。無法退轉則墮斷邊。然世尊說不住常中。不住斷中。非斷非常。世尊所說。天子。若彼於先不真實想。而彼證知。則名非斷非常。天子。是為菩薩退轉法門。說是法時。十千天子得無生法忍……

大寶積經第104卷

大藏經第11卷 583頁

爾時文殊師利復白佛言。世尊。所言無生忍者。云何名為無生忍也。世尊。復以何義而更名為法無生忍。菩薩云何得斯忍法。佛告文殊師利言。實無有人於生法中得無生忍。所言得者。但有語言名字。何以故。以無生法不可得故。離攀緣故。不得法忍。得無所得。無得無失。是故言得無生法忍。復次文殊師利。彼無生法忍。所謂一切法無生如是忍。故一切法無來如是忍。故一切法無去如是忍。故一切法無我如是忍。故。所可忍者。亦無可忍。非法非非法。但以名字說斯法耳。然彼名字亦不可得。本性自離如是言忍。信解樂入。無惑無疑。無驚無怖。無動無沒。遍滿身已。正受而行。不得其身。亦無住處。文殊師利。是為菩薩摩訶薩於諸法中得無生忍。乃至不行一切想故……⁵⁸⁴爾時善住意天子復問文殊師利言。大士。或時有人至大士所。求出家者。大士爾時當云何答。云何為說出家度法。云何授戒及教持戒。文殊師利言。天子。若

其有人來至我所。求出家者。我當教彼如是言曰。諸善男子。汝今不應發出家心。汝若不發出家心者。我當教汝真出家法。所以者何。天子。若求出家。則求欲界。亦求色界。求無色界。復求世間五欲之樂。及求未來果報諸事。若善男子有所求者。彼不證法。不證法故。彼則見心。是故天子。若無所取。彼為證法。以證法故。則不見心……⁵⁸⁶若人能作如是出家。如是受具。我復教彼如是言曰。諸善男子。汝今若能受彼一切三千大千世界。篤信檀越供養眾具。而能於中不起分別。不念報恩。是乃名為清淨持戒。善住意言。大士。以何義故作如斯說。文殊師利言。天子。所謂若人取彼施者受者財物三事故。是為報恩。又若見彼是為報恩。若思惟彼是為報恩。若分別彼是為報恩。天子。若不見彼不取彼。不思惟彼不分別彼者。有何可報。何以故。以從本來畢竟清淨。如是報。天子。彼若取若見。若思惟若分別及念報者。是謂凡夫。非阿羅漢。所以者何。是諸凡夫。於一切時常行取著。思量分別。此受彼與。彼垢此淨。以是分別故。有報恩。云何報恩。謂諸凡夫。於生死有取後生身。是故於彼欲行報恩。天子。諸阿羅漢不受後有。畢竟不見。不思量不分別。無有此彼。更不受身。當於何處而報恩也。天子。若受彼施。當行三淨。然後乃受。何謂三淨。一不見己身。即無施者。二不見他人。即無受者。三不見財物。即無施事。天子。如是三

淨則畢竟淨。如斯淨已。復何用報。天子。以是義故。我如是說。若受三千大千世界。篤信檀越一切眾具。不分別不念報者。是名世間真勝福田。是真出家。是淨持戒……爾時文殊師利復語善住意天子言。天子。我與彼人如是出家。如是行已。當復教言。諸善男子。汝今若能不觀四聖諦。不修四念處……不修三十七助菩提法。莫證三解脫門。何以故。天子。彼聖諦者。入無生相。不可念。知不可修證。所以者何。彼無生中。云何言證。天子。是故我言。夫念處者。非念非思。一切諸法。故言念處。天子。若比丘不住欲界。不住色界。不住無色界。故言比丘不住四念處。思修四念處。云何思修如彼。不思不修。故言思修。如是次第。乃至三十七種助菩提法。應如是知。天子。若彼禪行比丘。於一切法。悉無所得。無所得故。不思念。不分別。不修不證。何以故。天子。彼諸法。但有名。如三十七助菩提法。彼雖有名。而不可得。唯以分別。因緣故生。一相無相。以如是名。故如是說。其說亦無。故彼雖復名字。證知終不可得。是則名為如實覺知三十七種助菩提法。時彼善住意天子。復白文殊師利言。大士。所言禪行比丘。何等名為禪行。於一切法。但取一行。極隨順者。所謂無生。是為禪行。又復無有少法可取。是為禪行。乃至不取一切諸法。如是平等。是為禪行。乃至無有一法相應。無合無散。是為禪行。爾時彼會大眾。多有無量百千

眾生咸有疑心。今此文殊師利所說如是。云何得與聖說相應。所以者何。世尊恒說。若人能入三解脫門。名為涅槃。又如佛說。若有修行三十七種助菩提法。便證涅槃。然而今者。文殊師利。更如是說。不應修是助菩提行。亦莫入彼三解脫門。將非文殊師利虛妄說耶。於是文殊師利知諸比丘。及以眾會咸皆有疑。即語尊者舍利弗言。大德。汝於今者最可證信。世尊記汝智慧第一。大德。汝於何時證離欲法。且當證法時。豈不見四諦耶。舍利弗言不也。豈不修三十七助菩提分法耶。曰不也。豈不入三解脫門耶。曰不也。大士。我於爾時乃至無有一法可見。可除。可修。可證。可選擇者。所以者何。一切諸法。無為無生。無言是空。若是空者。有何可證。說此法時。眾中有三萬比丘。於法漏盡。心得解脫。

大寶積經第105卷

大藏經第11卷 587頁

爾時善住意天子讚文殊師利言。善哉善哉。大士。仁。今真是聰辯利智。快說如斯甚深空忍。文殊師利言。天子。我非如是聰辯利智。夫利智者。則是一切嬰兒。凡夫。何以故。天子。一切凡夫。是名利智。何等利智。所謂地獄利智。畜生利智。餓鬼利智。閻摩利智。乃至三界一切利智。如是取著相應。得言利智。彼諸凡夫。著貪欲利。著瞋恚利。著愚癡利。乃至與彼諸見名色。取著相應。故言利智。非謂諸佛世尊及聲聞緣覺。得忍菩薩有斯利智。若諸菩薩。於一字一

句初不移動。然彼字句義門處所。近遠淺深。皆如實知。謂知空處。知無相處。知無願處。知遠離處。知無所有處。知無生處。知如如處。而於其間。無受無作。無解無知。是故得言唯字句耳。爾時世尊讚文殊師利言。善哉善哉。文殊師利。汝今已得陀羅尼。故乃能如是分別說也。文殊師利。白佛言。世尊。我實不得彼陀羅尼。何以故。世尊。若有得是陀羅尼者。斯則名為愚癡凡夫。非佛世尊。及諸菩薩。得陀羅尼。所以者何。世尊。彼諸凡夫。癡眾生等。有取著。故得陀羅尼。取著何等。所謂取著我。故得陀羅尼。取著人。故得陀羅尼。如是乃至取著一切諸行。故得陀羅尼。是故凡夫得陀羅尼。所以者何。若法為彼愚癡取著。是則凡夫所得。非謂佛得。非聲聞得。是故得言我為頑鈍。我實不得彼陀羅尼。何以故。乃至一法我無所得。故說是法時。彼大眾中有五百比丘。聞此法門。不能信受。生大恐怖。起誹謗心。發惡心。已棄捨而去。即自見身墮大地獄。爾時尊者舍利弗。白文殊師利言。大士。仁。今且住。勿說如此甚深經典。所以者何。今此會中五百比丘。聞此法門。不能信受。生大怖畏。起誹謗心。即自見身已處地獄。文殊師利語舍利弗言。舍利弗。汝今不當妄起分別。何以故。乃至無有一法墮地獄者。所以者何。一切諸法。無所生。故汝今云何忽發斯言。令我休止。勿宣是法。舍利弗。若善男子善女人。依止我見。依止人見。

依眾生見。依壽者見。依諸見已。雖復供養。恒沙如來。應供。正遍覺。及比丘僧。一切眾具。隨須奉給。如是供養。盡其形壽。無有休廢。若復有人。聞我所說甚深法門。一切世間。所不能信。謂空無相。無願。無作。寬大寂靜。無生。無滅。無我。無人。無眾生。無壽命。無常。苦。無我。如是諸法。聞已。誹謗。墮於地獄。然舍利弗。即此善男子善女人。得聞如是甚深法已。雖墮地獄。從地獄出。速得涅槃。若善男子善女人。雖復供養恒沙數如來。應供。正遍覺。以取著。我不聞如是甚深經法。終不解脫。速證涅槃。爾時世尊讚文殊師利言。善哉善哉。文殊師利。如是如是。誠如汝言。若有得聞如是甚深微妙經典。與值佛出世等。無有異。何以故。若有欲證須陀洹果。要由此經。欲證斯陀含。欲證阿那含。及阿羅漢。要聞此經。所以者何。以不著我。乃能證法。證此法時。無有所見。無所得。故爾時世尊告尊者舍利弗言。舍利弗。汝當知。此五百比丘。雖墮地獄。後從獄出。速證涅槃。非彼愚癡凡夫之人。沒於見得。墮墜疑心。供養如來。能得解脫。舍利弗。是諸比丘。還復因此。乃至解脫。速得涅槃。非是餘人能速解脫。所以者何。以不聞此深法門。故舍利弗。若有善男子善女人。得聞如是甚深法門。一經於耳。雖不信受。墮於地獄。然速解脫。其有墮入地獄者。未能解脫。大寶積經第109卷

大藏經第11卷 610頁

猶如風大雖無形色不可覩見。然由因緣而現形色。現形色者其義云何。譬如風吹動諸樹木。發起山壁水崖。觸已作聲。以冷熱因緣所生。是故能受。然彼風體不可得見。手足目等亦復如是。不可得見。於諸色上增益勝處。或黑或白。跋陀羅波梨。如是如是。此神識界亦復如是。不可以色得見。亦不至色體。但以所入行。作體而現色。此識界亦復然。夫命終時。此識以業持。故此業及命盡時。譬如入寂滅。三昧人有識身體。此識身體滅已。然後入寂滅內住。如是如是。此識於死人邊。捨身及以諸大。捨身之時。有二種觸正念。何等為二。一者正念。二者觸。而彼人命終之時。於身有觸。二受。一身受。二念受。死後念有觸。復次。汝問識者何義。然有子能生牙。從智生識。即名為念。是故智及子故名為識。然後還受於觸。苦樂智知故名為識。後復受善惡。亦能知善惡境界。故名為識。其人不見此識。然識受此身。譬如婦人受胎。然不知此我懷胎為男為女。或黑或白。或諸根具以不具。或手足正等以不。然彼在胎之者。或以熱食觸故。覺已即動。如是如是。此識來去伸縮。共眼開閉。昔所造諸業故。所有境界即笑語言等。諸有所生。得色身內住識。然諸眾生不知我身內所住識有何體。此識捨身已。隨善惡所行。此義何也。此識捨此身體。即受彼罪福。如是如是。此識捨

身已將善惡而移。如是次第而去。612此識自生身已。還自造業。猶如蠶虫出絲纏繞。即自滅身。移向於彼。此識體無有色。以取因色故。或欲取因故。或見取因故。或持戒求報取因故。乃至有受。受因故。受身體。色成就故。言為識。此識捨身已。及捨諸界。唯取法界。取受已。取善及惡而去。613

大寶積經第113卷

大藏經第11卷641頁

復有四法成就。當知是惡比丘。何等四。從闇入闇。從癡入癡。不見聖諦。多生疑惑。常為生死之所繫縛。閉涅槃門。是名惡比丘。復有四法成就。當知是惡比丘。何等四。身多姦行。口多姦行。意多姦行。儀式多姦行。云何身多姦行。安詳而行。是身姦行。不左右視。是身姦行。若左右視。不過一尋。是身姦行。邪命著衣。是身姦行。諛諂行於空閑之處。不求空閑所行之法。諛諂乞食。不觀乞食相。諛諂著糞掃衣。不知為慚愧故。諛諂行於山窟樹下。不知分別十二緣行。諛諂服於陳故棄藥。不求甘露法藥。迦葉。是名身多姦行。614

大寶積經第119卷

大藏經第11卷673頁

菩薩所有恒沙諸願。一切皆入一大願中。一大願者。所謂攝受如來正法。如是攝受正法。真實廣大。佛言。善哉勝鬘。汝久修習智慧。方便甚深微妙。有能解了。汝所說義。彼於長夜植諸善本。如汝所說。攝受正法。皆是過去未來現在諸佛。已說今說。當說我得無上正等菩提。亦復常以種種相說

攝受正法。如是稱揚攝受正法。所有功德無有邊際。如來智慧亦無邊際。何以故。是攝受正法有大功德。有大利益。615

大般涅槃經第2卷12(數字表甘泉寺版本頁碼)爾時佛告諸比丘言。諦聽諦聽。汝向所引醉人喻者。但知文字未達其義。何等為義。如彼醉人。見上日月。實非迴轉。生迴轉想。眾生亦爾。為諸煩惱無明所覆。生顛倒心。我計無我。常計無常。淨計不淨。樂計為苦。以為煩惱之所覆。故雖生此想。不達其義。如彼醉人。於非轉處而生轉想。我者即是佛義。常者是法身義。樂者是涅槃義。淨者是法義。汝等比丘。云何而言。有我想者。憍慢貢高。流轉生死。汝等若言。我亦修習無常苦無我等想。是三修無有實義。我今當說勝三修法。苦者計樂。樂者計苦。是顛倒法。無常計常。常計無常。是顛倒法。無我計我。我計無我。是顛倒法。不淨計淨。淨計不淨。是顛倒法。有如是等四顛倒法。是人不知正修諸法。於苦法中而生樂想。於無常中而生常想。於無我中而生我想。於不淨中而生淨想。世間亦有常樂我淨。出世亦有常樂我淨。世間法者有字無義。出世間者有字有義。何以故。世間之法有四顛倒。故不知義。所以者何。有想顛倒。心倒。見倒。以三倒故。世間之人。樂中見苦。常見無常。我見無我。淨見不淨。是名顛倒。以顛倒故。世間知字而不知義。何等為義。無我者。即生死。我者。即如來。無常者。聲聞緣覺。

常者如來法身。苦者一切外道。樂者即是涅槃。不淨者即有為法。淨者諸佛菩薩所有正法。是名不顛倒。以不倒故。知字知義。若欲遠離四顛倒者。應知如是常樂我淨。

第3卷15 菩薩亦爾。欲得長壽。應當護念一切眾生。同於子想。生大慈大悲大喜大捨。授不殺戒。教修善法。亦當安止一切眾生於五戒十善。復入地獄餓鬼畜生阿修羅等一切諸趣。拔濟是中苦惱眾生。脫未脫者。度未度者。未涅槃者。令得涅槃。安慰一切諸恐怖者。以如是等業。因緣故。菩薩則得壽命長遠。於諸智慧而得自在。隨所壽終。生於天上。18世尊。如來法身金剛不壞。而未能知所因云何。佛告迦葉。以能護持正法。因緣故。得成就是金剛身。

5卷27 善男子。譬如有人。為毒箭所射。多受苦痛。值遇良醫。為拔毒箭。塗以妙藥。令其離苦。得受安樂。是醫即便遊於城邑。及諸聚落。隨有患苦瘡疣之處。即往其所。為療眾苦。善男子。如來亦爾。成等正覺。為大醫王。見閻浮提苦惱眾生。無量劫中被姪怒癡煩惱毒箭。受大苦切。為如是等說大乘經甘露法藥。療治此已。復至他方。有諸煩惱毒箭之處。示現作佛。為其療治。是故名曰大般涅槃。大般涅槃者。名解脫處。隨有調伏眾生之處。如來於中而作示現。31又解脫者。名斷一切有為之法。出生一切無漏善法。斷塞諸道。所謂若我無我。非我非無我。唯斷取著不斷我見。我見者名為佛

性。佛性者即真解脫……

6卷34 若有眾生。生於熙連河沙諸如來所發菩提心。乃能於是惡世受持。如是經典不生誹謗。善男子。若有眾生。生於一恒河沙諸如來所發菩提心。然後乃能於惡世中。不謗是法。愛樂是典。不能為人分別廣說。善男子。若有眾生。生於二恒河沙諸如來所發菩提心。然後乃能於惡世中。不謗是法。正解信樂。受持讀誦。亦復不能為人廣說。若有眾生。生於八恒河沙諸如來所發菩提心。然後乃能於惡世中。不謗是法。受持讀誦。書寫經卷。亦勸他人。令得書寫。自能聽受。復勸他人。令得聽受。讀誦通利。擁護堅持。憐愍世間諸眾生。故供養是經。亦勸他人。令其供養。恭敬尊重。讀誦禮拜。亦復如是。具足能解盡其義味。所謂如來常住不變。畢竟安樂。廣說眾生。悉有佛性。善知如來所有法藏。供養如是諸佛等已。建立如是無上正法。受持擁護。若有始發阿耨多羅三藐三菩提心。當知是人。未來之世。必能建立如是正法。受持擁護。37於乘緩者。乃名為緩。於戒緩者。不名為緩。菩薩摩訶薩。於此大乘心。不懈慢。是名奉戒。為護正法。以大乘水。而自澡浴。是故菩薩。雖現破戒。不名為緩。迦葉。菩薩白佛言。佛僧之中。有四種人。如菴羅菓。生熟難知。破戒持戒。云何可識。善男子。因大涅槃微妙經典。則易可知。云何因是大涅槃經。可得知耶。譬如田夫。殖稻穀。耘除莠稗。以肉眼觀

名為淨田。至其成實。葉穀各異。如是八事。能污染僧。若能除卻。以肉眼觀。則知清淨。若持戒。若破戒。不作惡時。以肉眼觀。難可分別。若惡彰露。則易可知。如彼莠稗。易可分別。僧中亦爾。若能遠離八種不淨毒蛇之法。是名清淨聖眾福田。應為天人。之所供養。清淨果報。非是肉眼所能分別。

7卷41 於諸戒中。若犯小戒。乃至細微。當受苦報。無有齊限。如是知己。防護自身。如龜藏六。若有律師。復作是言。凡所犯戒。都無罪報。如是之人。不應親近。眾生若不護持禁戒。云何當得見於佛性。一切眾生。雖有佛性。要因持戒。然後乃見。因見佛性。得成阿耨多羅三藐三菩提。九部經中。無方等經。是故不說有佛性耳。經雖不說。當知實有。42沙門法者。應生悲心。覆育眾生。乃至蠅子(子)應施無畏。是沙門法。遠離飲酒。乃至嗅香。是沙門法。不得妄語。乃至夢中。不念妄語。是沙門法。不生欲心。乃至夢中。亦復如是。是沙門法。迦葉。菩薩白佛言。世尊。若有比丘。夢行姪欲。是犯戒不。佛言不也。應於姪欲。生臭穢想。乃至不生一念淨想。遠離女人。煩惱愛想。若夢行姪寤。應生悔。比丘乞食。受供養時。應如饑世。食子肉想。若生姪欲。應疾捨離。如是法門。當知是佛所說經律。

8卷43 若有說言。有如來藏。雖不可見。若能滅除一切煩惱。爾乃得入。若發此心。一念因緣。於諸法中。而得自在。若有修習如來

密藏。無我空寂。如是之人於無量世在生死中流轉受苦。若有不作如是修者。雖有煩惱疾能滅除。何以故。因知如來祕密藏。故名苦滅聖諦。若能如是修習滅者。是我弟子。

8卷49所有種種異論咒術言語文字。皆是佛說非外道說。迦葉菩薩白佛言。世尊。云何如來說字根本。佛言。善男子。初說半字以為根本。持諸記論咒術文章諸陰實法。凡夫之人學是字本。然後能知是法非法。

9卷53善男子。如人見月。六月一蝕。而上諸天須臾之間已見月蝕。何以故。彼天日長人間短故。善男子。如來亦爾。天人咸謂如來短壽。如彼天人須臾之間頻見月蝕。如來又於須臾之間。示現百千萬億涅槃。斷煩惱魔陰魔死魔。是故百千萬億天魔悉知如來入般涅槃。又復示現無量百千萬業因緣。隨順世間種種性故。示現如是無量無邊不可思議。是故如來常住無變。58是大乘典有丈夫相。所謂佛性。若人不知是佛性者。則無男相。所以者何。不能自知有佛性故。若有不能知佛性者。我說是等名為女人。若能自知有佛性者。我說是人為大丈夫。若有女人能知自身定有佛性。當知是等即為男子。60如來常為一切眾生而作父母。所以者何。一切眾生種種形類。二足四足多足無足。佛以一音而為說法。彼彼異類各各得解。悉皆歎言。如來今日為我說法。以是義故名為父母。61

10卷61純陀白佛言。世尊。如佛所說

所有之物 布施一切

唯可讚歎 無可毀損

世尊。是義云何。持戒毀戒有何差別。佛言。唯除一人。餘一切施皆可讚歎。純陀問言。云何名為唯除一人。佛言。如此經中所說。破戒。純陀復言。我今未解。唯願說之。佛告純陀。言破戒者。謂一闍提。其餘在所一切。布施皆可讚歎。獲大果報。純陀復問。一闍提者。其義云何。佛告純陀。若有比丘及比丘尼。優婆塞。優婆夷。發惡惡言。誹謗正法。造是重業。永不改悔。心無慚愧。如是等人名為趣向一闍提道。若犯四重作五逆罪。自知定犯如是重事。而心初無怖畏。慚愧不肯發露。於佛法永無護惜建立之心。毀些輕賤言多過咎。如是等人亦名趣向一闍提道。若復說言無佛法僧。如是等人亦名趣向一闍提道。唯除如此一闍提輩。施其餘者一切讚歎。62佛告純陀。若犯四重及五逆罪。誹謗正法。如是等人名為破戒。純陀復問。如是破戒。可拔濟不。佛告純陀。有因緣故。則可拔濟。若被法服猶未捨遠。其心常懷慚愧。恐怖而自考責。咄哉何為犯斯重罪。何其怪哉。造斯苦業。深自改悔。生護法心。欲建正法。有護法者。我當供養。若有讀誦大乘典者。我當諮問。受持讀誦。既通利已。復當為他分別廣說。我說是人不為破戒。63

62善男子。犯重罪者。汝今諦聽。我當為汝分別

廣說。應生是心。謂正法者。即是如來微密之藏。是故我當護持建立。施是人者。得勝果報。64犯四重禁。五無間罪。生護法心。亦復如是。雖復先為不善之業。以護法故。得為世間無上福田。是護法者。有如是等無量果報。65施諸聲聞所得報異。施辟支佛得報亦異。唯施如來。獲無上果。是故說言一切所施。非無差別。66如斯偈者。其義云何。一切者。少分一切。當知菩薩摩訶薩。人中之雄。攝取持戒。施其所須。捨棄破戒。如除稊稗。67

11卷72譬如嶮岸上有草覆。於彼岸邊多有甘露。若有食者。壽天千年。永除諸病。安隱快樂。凡夫愚人。貪其味故。不知其下有深坑。即前欲取。不覺腳踏墮坑而死。智者已知。捨離遠去。善男子。菩薩摩訶薩亦復如是。尚不欲受天上妙食。況復人中。凡夫之人。乃於地獄吞噉鐵丸。況復人天上妙餚饌。而能不食。迦葉。以如是譬。及餘無量無邊譬喻。當知是生實為大苦。迦葉。是名菩薩住於大乘大涅槃經。觀於生苦。74善男子。夫死者。於險難處。無有資糧。去處懸遠。而無伴侶。晝夜常行。不知邊際。深邃幽闇。無有燈明。入無門戶。而有處所。雖無痛處。不可療治。往無遮止。到不得脫。無所破壞。見者愁毒。非是惡色。而令人怖。敷在身邊。不可覺知。迦葉。以是等譬。及餘無量無邊譬喻。當知是死。真為大苦。迦葉。是名菩薩修行大乘大涅槃經。觀於死苦。迦葉。云何菩薩住於大乘大涅槃經。觀愛別離苦。

愛別離苦能為一切眾苦根本。如說偈言

因愛生憂 因愛生怖
若離於愛 何憂何怖

愛因緣故則生憂苦。以憂苦故則令眾生於衰老。愛別離苦所謂命終。善男子。以別離故能生種種微細諸苦。

12卷81一切虛妄皆入苦諦。如有眾生欺誑於他。以是因緣墮於地獄畜生餓鬼。如是等法名為虛妄。如是虛妄非不是苦即是苦也。聲聞緣覺諸佛世尊遠離不行。故名虛妄。如是虛妄諸佛二乘所斷除故。故名實諦。文殊師利言。如佛所說。大乘是實諦者。當知聲聞辟支佛乘則為不實。佛言。文殊師利。彼二乘者亦實不實。聲聞緣覺斷諸煩惱則名為實。無常不住是變易法名為不實。文殊師利言。當知魔說則為不實。世尊。如魔所說聖諦攝不。佛言。文殊師利。魔所說者二諦所攝。所謂苦集。凡是一切非法非律。不能令人而得利益。終日宣說亦無有人見苦斷集證滅修道。是名虛妄。如是虛妄名為魔說。

13卷84如來亦復不生念言我轉法輪。善男子。若不生者是則名為轉正法輪。是轉法輪即名如來。善男子。譬如因酪因水因攢因瓶因繩因人手捉而得出酥。酪不念言我能出酥。乃至人手亦不念言我能出酥。酥亦不言我能自出。眾緣和合故得出酥。如來亦爾。終不念言我轉法輪。善男子。若不出者是則名為轉正法輪。是轉法輪即

是如來。87無量眾生發阿耨多羅三藐三菩提心。見少微緣於阿耨多羅三藐三菩提。即便動轉如水中月。水動則動。猶如畫像難成易壞。菩提之心亦復如是。難發易壞。車有二輪則能載用。鳥有二翼堪任飛行。是苦行者亦復如是。我雖見其堅持禁戒。未知其人有深智不。若有深智當知則能堪任荷負阿耨多羅三藐三菩提之重擔也。

14卷91菩薩摩訶薩住於初地名曰大慈。何以故。善男子。最極惡者名一闍提。初住菩薩修大慈時。於一闍提心無差別。不見其過。故不生瞋。以是義故得名大慈。善男子。為諸眾生除無利益。是名大慈。欲與眾生無量利樂。是名大悲。於諸眾生心生歡喜。是名大喜。無所擁護名為大捨。若不見我法相己身。見一切法平等無二。是名大捨。自捨己樂施與他人。是名大捨。善男子。唯四無量能令菩薩增長具足六波羅蜜。其餘諸行不必能爾。即為迦葉而說偈言

若於一眾生 不生瞋恚心 而願與彼樂
是名為慈善 一切眾生中 若起於悲心
是名聖種性 得福報無量 設使五通仙
悉滿此大地 有大自然主 奉施其所安
象馬種種物 所得福報果 不及修一慈
十六分中一

92菩薩若見持戒破戒乃至果報終不能施。若不布施則不具足檀波羅蜜。若不具足檀波羅蜜。則不能成阿耨多羅三藐三菩提。善男子。譬如有人身被毒箭。其人眷屬

欲令安隱。為除毒故。即命良醫而為拔箭。彼人方言且待莫觸。我今當觀。如是毒箭從何方來。誰之所射。為是剎利婆羅門毘舍首陀。復更作念。是何木耶竹耶柳耶。其鏃鐵者何冶。所出剛耶柔耶。其毛羽者是。何鳥翼。烏鴉鷲耶。所有毒者為從作生。自然而有。為是人毒為蛇毒耶。如是癡人竟未能知尋便命終。善男子。菩薩亦爾。若行施時分別受者持戒破戒乃至果報。終不能施。若不能施則不具足檀波羅蜜。若不具足檀波羅蜜。則不能成阿耨多羅三藐三菩提。

93善男子。能為善者名實思惟。實思惟者即名為慈。慈即如來。慈即大乘大乘即慈。慈即如來。善男子。慈即菩提道。菩提道即如來。如來即慈。有諸眾生或必受苦或有不受。若有眾生必受苦者。菩薩之慈為無利益。謂一闍提。若有受苦不必定者。菩薩之慈則為利益。令彼眾生悉受快樂。善男子。譬如有人遙見獅子虎豹豺狼羅剎鬼等自然生怖。夜行見机亦生怖畏。善男子。如是諸人自然怖畏。眾生如是見修慈者自然受樂。善男子。以是義故。菩薩修慈是實思惟非無利益。

16卷107一切男女若具四法則名丈夫。何等為四。一善知識。二能聽法。三思惟義。四如說修行。善男子。若男若女具是四法則名丈夫。110善男子。諸佛如來祕密之藏亦復如是。為未來世諸惡比丘畜不淨物。為四眾說如來畢竟入於涅槃。讀誦世典不敬

佛經。如是等惡現於世時。如來為欲滅是諸惡。令得遠離邪命利養。如來則為演說是經。若是經典祕密之藏。滅不現時。當知爾時佛法則滅。¹¹若有眾生我見無我無我見我。常見無常無常見常。樂見無樂無樂見樂。淨見不淨不淨見淨。滅見不滅不滅見滅。以真佛語名為魔語。實是魔語以為佛語。如是之時諸佛乃說大涅槃經。

¹⁹卷¹²⁵聽受如是。大涅槃經。得知一切諸法名字。若能書寫讀誦。通利為他廣說。思惟其義。則知一切諸法義理。善男子。其聽受者。唯知名字。不知其義。若能書寫受持。讀誦為他廣說。思惟其義。則能知義。聽是經者。聞有佛性。未能得見。書寫讀誦。為他廣說。思惟其義。則得見之。聽是經者。聞有檀名。未能得見。檀波羅蜜。書寫讀誦。為他廣說。思惟其義。則能得見。檀波羅蜜。乃至般若波羅蜜。亦復如是。善男子。菩薩摩訶薩。若能聽是大涅槃經。則知法知義。具二無礙。於諸沙門婆羅門等。若天魔梵一切世中。得無所畏。開示分別十二部經。演說其義。無有差違。不從他聞。而能自知。近於阿耨多羅三藐三菩提。善男子。是名聞已。能為利益。斷疑心者。疑有二種。一者疑名。二者疑義。聽是經者。斷疑名心。思惟義者。斷疑義心。若有眾生不聞如是。大涅槃經。疑心甚多。所謂若常無常。若樂不樂。若淨不淨。若我無我。若命非命。若眾生非眾生。若畢竟不畢竟。聽是經者。如是等

疑亦得永斷。復有人疑。一闡提人犯四重禁。作五逆罪。謗方等經。如是等輩。有佛性耶。無佛性耶。聽是經者。如是等疑。悉得永斷。若不得聞。是大涅槃微妙經典。所見邪曲。乃至聲聞辟支佛人。所見亦曲。云何名為一切凡夫所見邪曲。於有漏中。見常樂我淨。於如來所。見無常苦不淨無我。

¹²⁶能知如來深密義者。所謂即是大般涅槃。一切眾生。悉有佛性。懺四重禁。除謗法心。盡五逆罪。滅一闡提。然後得成阿耨多羅三藐三菩提。是名甚深祕密之義。復次善男子。云何復名甚深之義。雖知眾生實無有我。而於未來。不失業果。雖知五陰於此滅盡。善惡之業。終不敗亡。雖有諸業。不得作者。雖有至處。無有去者。雖有繫縛。無受縛者。雖有涅槃。亦無滅者。是名甚深祕密之義。¹²⁸若聞法已。當生敬信。至心聽受。恭敬尊重。於正法所。莫求其過。莫念貪欲。瞋恚愚癡。莫觀法師種姓好惡。既聞法已。莫生憍慢。莫為恭敬名譽利養。當為度世甘露法利。亦莫生念。我聽法已。先自度身。然後度人。先自解身。然後解人。先自安身。然後安人。先自涅槃。然後令人。而得涅槃。於佛法僧。應生等想。於生死中。生大苦想。於大涅槃。應生常樂我淨之想。先為他人。然後為身。當為大乘。莫為二乘。於一切法。當無所住。亦莫專執一切法相。於諸法中。莫生貪想。常生知法見法之想。善男子。汝能如是。至心聽法。是則名為聞所不聞。¹³⁰布

施者是涅槃。因非大涅槃。因檀波羅蜜。乃得名為大涅槃。因。三十七品。是涅槃。因。非大涅槃。因。無量無邊。阿僧祇劫。菩提法。乃得名為大涅槃。因。²¹卷¹³⁸詐親善者。名為貪愛。菩薩摩訶薩。深觀愛結。如怨詐親。若知實者。則無能為。若不能知。必為所害。貪愛亦爾。若知其性。則不能令眾生輪轉生死苦中。如其不知。輪迴六趣。具受眾苦。何以故。愛之為病。難捨離。故如怨詐親。難可遠離。怨詐親者。常伺人便。令愛別離。怨憎會。愛亦如是。令人遠離。一切善法。近於一切不善之法。以是義故。菩薩摩訶薩。深觀貪愛。如怨詐親。見不見故。聞不聞故。如凡夫人。見生死過。雖有智慧。以癡覆。故後還不見。云何名為怨詐親相。如怨不實。詐現實相。不可親近。詐現近相。實是不善。詐現善相。實是不愛。詐為愛相。何以故。常伺人便。欲為害。故愛亦如是。常為眾生。非實詐實。非近詐近。非善詐善。非愛詐愛。常誑一切輪迴生死。以是義故。菩薩觀愛。如怨詐親。怨詐親者。但見身口。不睹其心。是故能誑。愛亦如是。唯為虛誑。實不可得。是故能惑。一切眾生。怨詐親者。有始有終。易可遠離。愛不如是。無始無終。難可遠離。怨詐親者。遠則難覺。近則易知。愛不如是。近尚難知。況復遠耶。以是義故。菩薩觀愛。過於詐親。一切眾生。以愛結。故遠大涅槃。近於生死。遠常樂我淨。近無常苦。無我不淨。是故我於處處經

註11此貪愛乃業報之一因緣和合即相應受報。故行者修行中可大力懺悔並功德回向。可減輕其業

中說為三垢。於現在事以無明故。不見過患。不能捨離。愛怨詐親。終不能害。有智之人。是故菩薩深觀此愛生大怖畏。修八聖道。猶如彼人畏四毒蛇五旃陀羅。及一詐親。涉路不迴。¹³⁹菩薩觀內六入¹⁴⁰空無。所有如彼空聚。善男子。彼空聚落群賊遠望。終不生於空虛之想。凡夫之人亦復如是。於六入聚不生空想。以其不能生空想故。輪迴生死受無量苦。善男子。群賊既至。乃生空想。菩薩亦爾。觀此六入常生空想。生空想故。則不輪迴生死受苦。菩薩摩訶薩於此六入常無顛倒。無顛倒故。是故不復輪迴生死。復次善男子。如有群賊入此空聚。則得安樂。煩惱諸賊亦復如是。入此六入。則得安樂。如賊住空聚。心無所畏。煩惱群賊亦復如是。住是六入。亦無所畏。如彼空聚。乃是師子虎狼種種惡獸之所住處。是內六入亦復如是。一切眾惡煩惱惡獸¹⁴¹之所住處。是故菩薩深觀六入空無。所有純是一切不善住處。內六入者亦復如是。空無所有。而作有想。實無有樂。而作樂想。實無有人。而作人想。唯有智人。乃能知之。得其真實。智者所知。非是眼見。是故菩薩觀內六入多諸怨害。修八聖道不休不息。¹⁴⁰如大河水能長一切草木叢林。煩惱大河亦復如是。能長眾生二十五有。¹⁴²是故菩薩觀此煩惱。猶如大河。譬如有人墮大河水。無有慚愧。眾生亦爾。墮煩惱河。無有慚愧。如墮河者。未得其底。即便命終。墮煩惱河

亦復如是。未盡其底。周迴輪轉二十五有。所言底者。名為空相。若有不修如是空相。當知是人不得出離二十五有。一切眾生不能善修空無相故。常為煩惱駛河所漂。如彼大河。唯能壞身。不能漂沒一切善法。煩惱大河。則不如是。能壞一切身心善法。彼大暴河。唯能漂沒欲界中人。煩惱大河。乃能漂沒三界人天。¹⁴¹有大樂故名大涅槃。涅槃無樂。以四樂故名大涅槃。何等為四。一者斷諸樂故。不斷樂者。則名為苦。若有苦者。不名大樂。以斷樂故。則無有苦。無苦無樂。乃名大樂。涅槃之性。無苦無樂。是故涅槃名為大樂。二者大寂靜。故名大樂。涅槃之性。是大寂靜。何以故。遠離一切憤鬧法故。以大寂故名大涅槃。三者一切知故名大樂。四者身不壞。故名大樂。身若可壞。則不名樂。如來之身。金剛無壞。非煩惱身。無常之身。故名大樂。

聞言不見施及施果報。是則名為破戒邪見。若依如是大涅槃經。不見惠施及施果報。是則名為持戒正見。菩薩摩訶薩有異念處。以修習故。不見眾生持戒破戒。施者受者及施果報。是故得名持戒正見。以是義故。菩薩摩訶薩不觀福田及非福田。¹⁴⁶云何菩薩摩訶薩滅除有餘。有餘有三。一者煩惱餘報。二者餘業。三者餘有。善男子。云何名為煩惱餘報。若有眾生習近貪欲。是報熟故。墮於地獄。從地獄出。受畜生身。所謂鴿。雀。鴛鴦。鸚鵡。耆婆。耆婆。舍利伽鳥。青雀。魚。鼈。獼猴。驢。鹿。若得人身。受黃門形。女人。二根。無根。姪女。若得出家。犯初重戒。是名餘報。復次善男子。若有眾生。以殷重心。習近瞋恚。是報熟故。墮於地獄。從地獄出。受畜生身。所謂毒蛇。具四種毒。見毒。觸毒。齧毒。噓毒。師子。虎。狼。熊。羆。貓。狸。鷹。鷂。之屬。若得人身。具足十六諸惡律儀。若得出家。犯第二重戒。是名餘報。復次善男子。若有修習愚癡之人。是報熟時。墮於地獄。從地獄出。受畜生身。所謂象。豬。牛。羊。水牛。牛。蚤。虱。蚊。虻。蟻。子。等形。若得人身。聾。盲。瘖。啞。癱。殘。背。僂。諸根不具。不能受法。若得出家。諸根閻鈍。熹犯重戒。乃至卑賤。是名餘報。復次善男子。若有修習憍慢之人。是報熟時。墮於地獄。從地獄出。受畜生身。所謂糞蟲。駝。驢。犬。馬。若生人中。受奴婢身。貧窮。乞。丐。或得出家。常為眾生之所輕賤。破第四戒。是名餘報。如是等名煩惱餘報。如是餘

註1眼耳鼻舌聲意 註2如餘經言惡鬼入其體。表惡鬼貪著色身造種種惡不肯捨離。即業障鬼 註3開三界為25有。欲界有14。四惡趣。四洲(閻浮提。弗婆提。瞿耶尼。鬱單越)。六欲天。色界有七。四禪天及初禪中之大梵天並四禪之淨居天及無想天。無色界之四空處①見本經85頁 註4異念處。異於二邊正觀中道

報。菩薩摩訶薩以能修習大涅槃故悉得除滅。云何餘業。謂一切凡夫業。一切聲聞業。須陀洹人受七有業。斯陀含人受二有業。阿那含人受色有業。是名餘業。如是餘業。菩薩摩訶薩以能修習大涅槃故悉得斷除。云何餘有。阿羅漢得阿羅漢果。辟支佛得辟支佛果。無業無結而轉二果。是名餘有。如是三種有餘之法。菩薩摩訶薩修習大乘大涅槃經故得滅除。是名菩薩摩訶薩滅除有餘。147 西方去此娑婆世界。度三十二恒河沙等諸佛國土。彼有世界名曰無勝。彼土何故名曰無勝。其土所有莊嚴之事皆悉平等。無有差別。猶如西方安樂世界。亦如東方滿月世界。我於彼土出現於世。為化眾生。故於此界閻浮提中現轉法輪。非但我身獨於此中現轉法輪。一切諸佛亦於此中而轉法輪。

23卷149 菩薩摩訶薩修大涅槃微妙經典。作是思惟。何法能為大般涅槃而作近因。菩薩即知有四種法為大涅槃而作近因。若言勤修一切苦行是大涅槃近因緣者。是義不然。所以者何。若離四法得涅槃者。無有是處。何等為四。一者親近善友。二者專心聽法。三者繫念思惟。四者如法修行。150 聽方等經名真聽法。真聽法者即是聽受大涅槃經。大涅槃中間有佛性。如來畢竟不般涅槃。是故名為專心聽法。專心聽法名八聖道。以八聖道能斷貪欲瞋恚愚癡。故名聽法。夫聽法者名十一空。以此諸空

於一切法不作相貌。夫聽法者名初發心。乃至究竟阿耨多羅三藐三菩提心。以因初心得大涅槃。不以聞故得大涅槃。以修習故得大涅槃。善男子。譬如病人雖聞醫教及藥名字不能愈病。要以服故乃得除差。雖聽十二深因緣法不能斷滅一切煩惱。要以繫念善思惟故能得除斷。是名第三繫念思惟。155 諸佛菩薩終不定說因中有果。因中無果。及有無果。非有非無果。若言因中先定有果及定無果。定有無果。定非有非無果。當知是等皆魔伴黨。繫屬於魔。即是愛人。如是愛人不能永斷生死繫縛。不知心相及以貪相。善男子。諸佛菩薩顯示中道。何以故。雖說諸法非有非無而不決定。所以者何。因眼因色。因明因心。因念。識則得生。是識決定不在眼中。色中。明中心。中念中。亦非中間。非有非無。從緣生故名之為有。無自性故名之為無。是故如

來說言諸法非有非無。156 若見諸法真實是有總別定相。當知是人若見色時便作色相。乃至見識亦作識相。見男男相。見女女相。見日日相。見月月相。見歲歲相。見陰陰相。見入入相。見界界相。如是見者名繫屬魔。繫屬魔者心不清淨。我中有識。識屬於我。如是見者繫屬於魔。非我弟子。159 見諸眾生遇煩惱病。生愛念心。而為說法。以聞法故諸煩惱斷。煩惱斷已終不念言。我為眾生斷諸煩惱。若生此念終不得成阿耨多羅三藐三菩提。唯作是念。無

一眾生我為說法。令斷煩惱。菩薩摩訶薩於諸眾生不瞋不喜。何以故。善能修習空三昧故。160 一切菩薩住九地者。見法有性。以是見故不見佛性。若見佛性則不復見一切法性。以修如是空三昧故不見法性。以不見故則見佛性。諸佛菩薩有二種說。一者有性。二者無性。為眾生故說有法性。為諸賢聖說無法性。

25卷162 慧莊嚴者。謂從一地乃至十地。是名慧莊嚴。福德莊嚴者。謂檀波羅蜜乃至般若。非般若波羅蜜。復次善男子。慧莊嚴者。所謂諸佛菩薩。福德莊嚴者。謂聲聞緣覺。九住菩薩。福德莊嚴者。有為。有漏。有有果報。有礙。非常。是凡夫法。慧莊嚴者。無為。無漏。無有礙。無報。無礙。常住。善男子。汝今具足是二莊嚴。是故能問甚深妙義。我亦具足是二莊嚴。能答是義。佛性者名第一義空。第一義空名為智慧。所言空者。不見空與不空。智者見空及與不空。常與無常。苦之與樂。我與無我。空者一切生死。不空者謂大涅槃。乃至無我者即是生死。我者謂大涅槃。見一切空。不見不空。不名中道。乃至見一切無我。不見我者。不名中道。中道者名為佛性。以是義故。佛性常恒無有變易。佛性者。即是一切諸佛阿耨多羅三藐三菩提中道種子。

27卷176 解脫二種。一者子斷。二者果斷。言子斷者名斷煩惱。阿羅漢等已斷煩惱。眾結爛壞。是故子結不能繫縛。未斷果故名果

繫縛。諸阿羅漢不見佛性。以不見故不得阿耨多羅三藐三菩提。以是義故可言果繫。不得說言名色繫縛：

28卷¹⁸⁷世尊。無相定者名大涅槃。是故涅槃名為無相。以何因緣名為無相。善男子。無十相故。何等為十。所謂色相。聲相。香味。觸相。生。住。壞相。男相。女相。是名十相。無如是相故名無相。善男子。夫著相者則能生癡。癡故生愛。愛故繫縛。繫縛故受生。生故有死。死故無常。不著相者則不生癡。不生癡故則無有愛。無有愛故則無繫縛。無繫縛故則不受生。不受生故則無有死。無有死故則名為常。以是義故涅槃名常。

29卷¹⁸⁸我經中說。若有比丘修習定者。能見五陰生滅之相。善男子。若不修定世間之事尚不能了。況於出世。若無定者。平處顛墜。心緣異法。口宣異言。耳聞異聲。心解異義。欲造異字。手書異文。欲行異路。身涉異徑。若有修習三昧定者。則大利益。乃至阿耨多羅三藐三菩提。¹⁸⁹定相者名空三昧。慧相者名無願三昧。捨相者名無相三昧。善男子。若有菩薩摩訶薩。善知定時。慧時。捨時。及知非時。是名菩薩摩訶薩。行菩提道。云何菩薩知時。非時。善男子。菩薩摩訶薩。因於受樂。生大憍慢。或因說法。而生憍慢。或因精勤。而生憍慢。當知爾時不宜修智。宜應修定。是名菩薩知時。非時。若有菩薩勤修精進。未得利益。涅槃之樂。以不得故。生於悔心。以鈍根。故不能調伏。五

情諸根。諸垢煩惱。勢力盛故。自疑戒律。有羸損故。當知爾時不宜修定。宜應修智。是名菩薩知時。非時。善男子。若有菩薩定慧二法。不平等者。當知爾時不宜修捨。二法若等。則宜修之。是名菩薩知時。非時。善男子。若有菩薩修習定慧。起煩惱者。當知爾時不宜修捨。宜應讀誦書寫。解說十二部經。念佛念法念僧。念戒念天念捨。是名修捨。善男子。若有菩薩修習如是三法相者。以是因緣。得無相涅槃。¹⁹⁰或有重業可得作輕。或有輕業可得作重。非一切人唯有愚智。是故當知非一切業悉定得果。雖不定得。亦非不得。一切眾生。凡有二種。一者智人。二者愚人。有智之人。以智慧力。能令地獄極重之業。現世輕受。愚癡之人。現世輕業。地獄重受。若一切業定得果者。則不應求梵行解脫。以不定故。則修梵行及解脫果。善男子。若能遠離一切惡業。則得善果。若遠善業。則得惡果。若不修道。則無解脫。一切聖人。所以修道。為壞定業。得輕報故。不定之業。無果報故。若一切業定得果者。則不應求修習聖道。一世所作純善之業。應當永已常受安樂。一世所作極重惡業。亦應永已受大苦惱。業果若爾。則無修道解脫涅槃。人作人受。婆羅門作婆羅門受。若如是者。則不應有下姓下有人。應常人。若定心作善惡等業。作已深生信心歡喜。若發誓願供養三寶。是名定業。智者善根深固難動。是故能令重

業為輕。愚癡之人。不善深厚。能令輕業而作重報。以是義故。一切諸業。不名決定。^{30卷}¹⁹⁸菩薩摩訶薩。若未來世。有微塵等惡業。果報不定受者。以大願力。為眾生故。而悉受之。譬如病人。為鬼所著。藏隱身中。以咒力。故即時相現。或語或喜。或瞋或罵。或啼或哭。菩薩摩訶薩。未來之世。三惡道業。亦復如是。菩薩摩訶薩。受熊身時。常為眾生演說正法。菩薩摩訶薩。深知生死多諸罪過。觀大涅槃。有大功德。為諸眾生處。在生死受種種苦心。無退轉。是名菩薩不可思議。菩薩摩訶薩。無有因緣。而生憐愍。實不受恩。而常施恩。雖施於恩。而不求報。是故復名不可思議。¹⁹⁹善男子。或有眾生。為自利益。修諸苦行。菩薩摩訶薩。為利他故。修苦行。是名自利。是故復名不可思議。復次菩薩。具足煩惱。為壞怨親所受諸苦。修平等心。是故復名不可思議。^{31卷}²⁰⁴一闍提輩。於其同學。同師父母親族妻子。豈當不生愛念心耶。一闍提輩。若有身業口業意業。取業求業。施業解業。如是等業。悉是邪業。何以故。不求因果故。^{32卷}²¹¹世尊。何等人輩。能斷善根。若有聰明。點慧利根。能善分別。遠離善友。不聽正法。不善思惟。不如法住。如是之人。能斷善根。²¹⁷善男子。我雖復說一闍提等名為常沒。復有常沒。非一闍提。何者是耶。如人為有修施戒善。是名常沒。善男子。有四善事。獲得惡果。何等為四。一者為勝他。故讀誦

經典二者為利養故受持禁戒三者為他屬故而行布施四者為於非想非非想處故繫念思惟是四善事得惡果報若人修集如是四事是名沒已還出出已還沒何故名沒樂三有[註]故何故名出以見明故明者即是聞戒施定何故還沒增長邪見生憍慢故是故我於經中說偈

若有眾生樂諸有 為有造作善惡業

是人迷失涅槃道 是名暫出還復沒

行於黑闇生死海 雖得解脫雜煩惱

是人還受惡果報 是名暫出還復沒

³³卷²²²若有說言一闍提人得阿耨多羅三藐三菩提者是名染著若言不得是名虛妄善男子是七種人或有一人具七或有

七人各一善男子若有心口異想異說言一闍提得阿耨多羅三藐三菩提者當知

是人謗佛法僧若人心口異想異說言一闍提不得阿耨多羅三藐三菩提是人亦

名謗佛法僧善男子若有說言八聖道分凡夫所得是人亦名謗佛法僧若有說言

八聖道分非凡夫得是人亦名謗佛法僧善男子若有說言一切眾生定有佛性定

無佛性是人亦名謗佛法僧善男子是故我於契經中說有二種人謗佛法僧一者

不信瞋恚心故二者雖信不解義故善男子若人信心無有智慧是人則能增長無

明若有智慧無有信心是人則能增長邪見善男子不信之人瞋恚心故說言無有

佛法僧寶信者無慧顛倒解義令聞法者

謗佛法僧善男子是故我說不信之人瞋恚心故有信之人無智慧故是人能謗佛法僧寶善男子若有說言一闍提等未生善法便得阿耨多羅三藐三菩提是人亦名謗佛法僧若復有言一闍提人捨一闍提於異身中得阿耨多羅三藐三菩提是人亦名謗佛法僧若復說言一闍提人能生善根生善根已相續不斷得阿耨多羅三藐三菩提故言一闍提得阿耨多羅三藐三菩提當知是不謗三寶若有說言眾生佛性非有如虛空非無如兔角何以故虛空常故兔角無故是故得言亦有亦無有故破兔角無故破虛空如是說者不謗三寶以虛空無故無有三世不以有故無三世也

²²⁵無明即是一切諸漏根本何以故一切眾生無明因緣於陰入界憶想作相名為眾生是名想倒心倒見倒以是因緣生一切漏是故我於十二部經說無明者即是貪

因瞋因癡因從無明生陰入界等智者當觀何因緣故生是煩惱造作何行生此

煩惱於何時中生此煩惱共誰住時生此

煩惱何處止住生此煩惱觀何事已生於

煩惱受誰房舍臥具飲食衣服湯藥而生

煩惱何因緣故轉下作中轉中作上下業

作中中業作上菩薩摩訶薩作是觀時則

得遠離生漏因緣如是觀時未生煩惱遮

令不生已生煩惱便得除滅是故我於契

經中說智者當觀生煩惱因

³⁴卷²³¹智者如是觀無我已次復觀於厭離食想作是念言若一切法無常苦空無我云何為食起身口意三種惡業若有眾生為貪食故起身口意三種惡業所得財物眾皆共之後受苦果無共分者善男子智者復觀一切眾生為飲食故身心受苦若從眾苦而得食者我當云何於是食中而生貪著是故於食不生貪心復次智者當觀因於飲食身得增長我今出家受戒修道為欲捨身今貪此食云何當得捨此身耶

善男子一息一瞬眾生壽命四百生滅智者若能觀命如是是名能觀念念滅也

³⁵卷²³³色是無常因滅是色獲得解脫常住之色受想行識亦是無常因滅是識獲得解脫常住之識憍陳如色即是苦因滅是

色獲得解脫安樂之色²³⁹眼識乃至意識一切諸法即是幻也云何如幻本無今有

已有還無我亦不說內外六入及六意識^{註2}常樂我淨我乃宣說滅內外入所生六

識名之為常以是常故名之為我有常我故名之為樂常我樂故名之為淨善男子眾

生厭苦斷是苦因自在遠離是名為我

涅槃經後分卷上²⁴⁸汝等於此行苦生死大海勤修淨心莫失念慧疾求正智速出諸

有三界受身苦輪無際無明即主恩愛魔王役使身心策為僮僕遍緣境界造生

死業貪恚狂癡念念傷害無量劫來常受苦惱何有智者不反斯原未脫三

界世間痛苦早求出離於此五濁愛欲

[註1]三有、三界之異名也。三界、欲界、色界、無色界。即三界分六道。地獄、餓鬼、畜生、修羅、人、天。眾生輪迴其中無力解脫。或因無智貪五欲不見業報恐怖。無警覺故無心求解脫。 [註2]意識(元)(明)-識意(四)

之中，應生憂畏無救護想。一失人身難可追復，畢此一形常須警察，無常大鬼情求難脫，憐愍眾生莫相殺害，乃至蠢動應施無畏，身業清淨常生妙土，口業清淨離諸過惡，莫食肉莫飲酒，調伏心蛇令入道果，深思行業善惡之報，如影隨形三世因果循環不失，此生空過後悔無追：249

阿難當知，皆因無明增長二界生死大樹，漂沒愛河眾苦長夜，黑闇崖下繞生死柱，六識為枝妄念為本，無明波浪心識策使，遊戲六塵種苦惱芽，無能制者自在如王，是故我言無明即主，念念傷害眾生不覺輪轉生死，阿難，一切眾生為此無明起諸愛結，我見覆蔽八萬四千煩惱，郎主^註役使其身，身心破裂不得自在，阿難，無明若滅三界都盡，以是因緣名出世人，阿難，若能諦觀十二因緣，究竟無我深入本淨，即能遠離三界大火，阿難，如來是真語者，說誠實言，最後付囑汝當修行：

正法念處經第1卷2頁（數字表甘泉寺版本頁碼）

身業三種，所謂殺生偷盜邪淫，云何殺生，於他眾生，生眾生想，起殺害心，斷其命根，得成殺生，彼有三種，謂上中下，所言上者，殺羅漢等，墮阿鼻獄，所言中者，殺住道人，所言下者，殺不善人及殺畜生：五因緣雖是殺生無殺罪業，所謂道行無心傷殺，螻蟻等命，若擲鐵等，無心殺生而斷物命，醫師治病為利益故，與病者藥，因藥命斷，醫無惡心，父母慈心為治，故打因打命終。

燃火虫入無心殺虫，虫入火死，如是五種雖斷生命不得殺罪：云何偷盜成就滿足，云何偷盜得果報少：他物他攝自意盜取，如是偷盜成就滿足，若是三法，為饒益尊父母病人緣，覺羅漢阿那含人斯陀舍人須陀洹等，若為病急若為飢急，彼為饒益，如是偷盜得果報少，盜業不具：偷盜已專心懺悔，既懺悔已後更不作，遮他偷盜教不盜戒，示其善道令住善法，遠離偷盜，如是盜業不具足滿，何業具足，若人偷盜，彼偷盜人若誑惑他，屏處思量作欺誑事，斗秤治物作惡業行，如是種種此業具足，云何成業，若他攝物知已盜取，如是成業，何業具足，作已隨喜樂行多作向他讚說，又復教他善戒者盜，此業具足，如是三業具足不減，餘偷盜業得果報少而不決定：邪淫人若於自妻非道而行，或於他妻道非道行，若於他作心生隨喜，若設方便強教他作是名邪淫：邪淫已專心懺悔不隨喜他，遮他邪淫示其善道，彼邪淫業不具足滿，離邪淫意修行善戒，如是邪淫得果報少不決定受：一切世間諸天人等所不能知，除我聲聞，從我聞故知業果報，更無教者：3 妄語，兩舌，惡口，綺語，如是四種，何者妄語，自思惟已然後於他作不實語：妄語言說令他哀惱，或打或縛，或令輸物，彼成妄語，如是滿足，成妄語業地獄中受，復有口業名為兩舌，於和合者，共作業，破壞語說，如是語者成就

兩舌，云何此語得果報少，破壞語已心中生悔：專心懺悔亦遮他人作破壞語，示其善道，業不具足，此業不重，云何此業不具足滿，此破壞語，或以煩惱或以酒醉，心異分別向他異說，此業不足，云何名為業道相應成破壞語，若以惡心破壞於他隨喜讚嘆，如是名為業道相應成破壞語，云何此業決定成就破壞語說，作已隨喜復教他作，隨喜讚說喜樂貪著，不離於心常懷惡心，他人所避不可往返，為他毀些，不生羞恥，無慚無愧不能自知，如是名為破壞語業：惡口能生熱惱聞不悅耳，不忍他惡令異人信，若重若輕戲笑瞋心，得無量報無量種報，彼重惡口墮於地獄，彼輕惡口不決定受：意業三種，貪，瞋，邪見，何者為貪，若見他人富者財物，心生希望欲得彼物是意貪業：若見他人富者財物，心生惡嫉是意嫉業，若生邪見生顛倒見是邪見業：云何不信，彼人心謂無施無祀，無齋無會，無有善業，無不善業，無業果報，廣則無量，云何為失，彼人心謂一切苦樂皆是天作，非業果報，如是二種名為邪見：身業殺生樂行多作，墮於地獄畜生餓鬼，若生人中命則短促，若因貪心獵等殺生，彼人則生猪，鹿，雉，雞，迦賓闍羅，如是等中，獵師圍兵之所殺害，乃至作魚鈎釣所殺，彼前作業相似，因緣常在生死，若生人中命則短促，設得生天不得好處，多有鐵畏速為他殺，殺生之報有下中

註1大寶積經57卷云，生七日已，身內即有八萬戶虫，日夜縱橫噉食，復為諸神病之所執持，所謂天神龍神八部所持及諸鬼神，乃至羯吒布單那（極臭鬼）及餘禽獸諸魅所持…本經詳述身中八十風及八十虫，虫若憶食我亦憶食，384頁云如此風流緣於根界，共業煩惱和合而住，能持於身或為妨害，人命終時，一切諸虫被八十種風之所殺害，虫既死已人乃命終，閱者且深細思之，輪迴中由造業之微細奧妙，因緣引發共業共生互障極複雜之關係，如是造業，如是受報